



賦

河東賦

漢楊雄

伊年暮春將瘞后土禮靈祇謁汾陰於東郊因茲以
勅崇垂鴻發祥隕祉欽若神明者盛哉鑠不可載已
於是命羣臣齊法服整靈輿廼撫翠鳳之駕六先景
之乘掉犇星之流旃耀天狼之威弧張耀日之元旄
揚左纛被雲梢奮電鞭騶雷駕鳴洪鐘建五旗羲和
司日顏倫奉輿風發飈拂神騰鬼趨千乘霆亂萬騎
屈橋嘻嘻旭旭天地稠敷籛丘跳巒湧涓躍涇秦神
下讐跣鬼負沴河靈鬻賜掌華蹈襄遂臻陰宮穆穆
肅肅蹲蹲如也靈祇既鄉五位時叙網緼玄黃將紹
厥后於是靈輿安步周流容與以覽庠介山嗟文公
而愍推兮勤大禹於龍門灑沈菑於豁瀆兮播九河
於東瀕登歷觀而遙望兮聊浮游以經營樂往昔之
遺風兮喜虞氏之所耕瞰帝唐之嵩高兮眴隆周之
大寧汨低徊而不能去兮行睨咳下與彭城歲南巢

平陽府志 卷之三十一
之坎坳兮易幽岐之夷平乘翠龍而超河兮陟西岳
之曉晴雲霏霏而來迎兮澤滲滴而下降鬱蕭條其
幽藹兮滄汎沛以豐隆叱風伯於南北兮呵雨師於
西東參天地而獨立兮廓盪盪其亡雙遵逝序歸來
以函夏之大漢兮彼曾何足與比功建乾坤之貞兆
兮將悉總以羣龍麗勾芒與驂蓐收兮服元冥及祝
融敦衆神使式道兮奮六經以摠頌隲於穆之緝熙
兮過清廟之雖雖軼五帝之遐迹兮躡三皇之高蹤
既發軔於平盈兮誰謂路遠而不能從

鹽池賦

晉郭璞

水潤下以作鹹莫斯鹽之最靈傍峻岳以發源地茫
爾而海亭嗟元液之潛洞羗莫知其所生狀委蛇其
若漢流漫漫以潏潏吁鑿鑿以粲粲色皜然而雪朗
揚赤波之煥爛光盱盱以晃晃隆陽映而不焦洪滂
沃而不長磊崔嶒鏗鏘若漢明晃爾霞赤望之絳承
祭如散璽煥若布章爛若漢明晃爾霞赤望之絳承
卽之雪積翠塗內映顏液外羣動而逾生損而滋益
若乃煎海鑠泉或凍或漉所贍不過一鄉所管不過
鍾斛餉戎見軫於西隣火井擅竒於巴濮豈若茲池
之所產帶神邑之名嶽吸靈潤於河汾總膏液乎澮
涑

黃河賦

晉成公綏

覽百川之弘壯兮莫尚美於黃河潛崑崙之峻極兮
出積石之嵯峨登龍門而南遊兮拂華陰與曲河凌
砥柱而激湍兮踰汭洛而揚波體委蛇於后土兮配
靈漢於穹蒼畢中夏之畿甸兮經朔胡之荒歷二
州之北境兮流三晉之南鄉秦自西而
東而畫疆殷徒涉而永固衛遷濟而
強趙決流而
却魏羸引溝而滅梁思先哲之攸
何水德之難量

三門集津賦

并序

唐趙令曦

砥柱山之六峯者皆生河之中流蓋夏后之所開鑿其最北有兩柱相對距岸而立卽所謂三門也次於其南有孤峯揭起峯頂平澗夏禹之廟在焉西有孤石數枚圓如削成復次其南有三峯東曰金門中曰三堆西曰天柱湍水從黃老神前東流激湍蹙於蝦石折流而南漱於三門苞於廟山乃分爲西流淙於三峯之下抵於曲隈會流東注加以兩崖夾水壁立千仞盤紆激射天下罕比時以內兄牛氏壯而遊焉相顧賦之以紀奇跡大河瀾漫上應天漢濬靈波於積石之西流懸澗于崑崙之半茫茫禹功茲焉會同鑿連巖而瀉歛羅岫島以攢空濶兮若橫兩闕於江上岌兮若拔三山於海中崇山欽崙呀水淙射左右飛濤起伏相擊截奔湍兮躋石臺目霍濩兮心徘徊三峯砥其却立架崇門以洞開連嶂紆河以壁峭疊巘喬空而半頽洪流蹙折以盆涌漱湍崙囁而相礪包巒秘隙砵其鼓作徊舉澎湃滴以山推奔濤迅渡紛其蕩駭蓬渤滑瀉霍以雲迴盤渦窳窳以谷旋奔石砰礚以成雷拘怒未洩橫流逆折合如地轉散若天裂推騰恐嶮刷蕩岬穴碑巖膏而沫沸淙隘口而湍咽然後深雲霽靄狀濤卷瀨汙汙以無聲漫漫浩浩以東會掄回流而混合注三穴而滂沛泛洪連於大磧之東薄餘怒於天池之外當其時也山獸驚躍水禽亂飛魚獺沉潭以竊伏獮猱拱樹以相依竄鮫人於洞壑帖舟子於漣漪莫不愁白露之初下歎黃牛之瞑歸若乃降望金門獯狎石觜窮巖萬仞一曲千里松歷歷而生崖草鬖鬖而覆水雲蓬茸兮歷地生風颼颼兮百籟驚猿惜暮而悲叫鳥亂春而不鳴咕噪吼兮抄呼噪飛客心兮動客情憐石箇之冬茂賞瑤芝之夜明惟夏君兮永蟄拜靈廟兮何及棖梁古兮山鳥棲階壁蕪兮野鷗入感微禹之嘆深亢幽譌以佇立歌曰中負石兮空自奇客乘槎兮何遠爲君不見虛舟之泛泛浩乘流而不羈

神龜負圖出河賦

唐裴度

茫茫積流祚聖有作動上天之密命假靈龜以潛躍
 蓋欲以慶遙源敷景鑠寓物象之精密化人文之朴
 畧豈不以河之德兮靈長龜之壽兮會昌載頑符先
 呈於古帝稱大寶後遺於寧王故將出也感天地動
 陰陽浮九折之澄碧散五色之榮光然後滔箭流而
 泳花浪露玳甲而明繡裳初若沉圓璧而未沒稍似
 泛孤島而欲翔既而降芳蓮蹈清泚五老游而共睹
 列聖過而每喜出朝日如耀其寶圖伏靈壇狀陳其
 鏤筮布爻象之糾紛蘊天地之終始負謀謨之畫將
 化洪荒當授受之時豈思綠水非臆料之可述詠鈞
 深而有致所以出河宗作天瑞馮夷倚浪以相送神
 魚鼓舞而旋避於戲冥數宵然自我而傳外骨明賁
 中心善泉將後天而思承豈為贊而居前至如魚託
 素以達情鳳啣詔而展禮未若祥開八卦兆動四體
 闡文教寧木鐸之足儔贊貞明與日月而同啓洎乎
 形貌既著品物類分榮萬化之茫昧合一氣之網緼
 識用光於夏葉絲每瘳於羲文此乃天理用彰神道
 設教故躍波而委質殊以文而飾貌觸綸誠怪於文
 鱗隱霧徒嗟乎互豹此悠也久也可是則而是效

雙漢泉賦

唐喬潭

呀厚地而濫涌者有河東之漢泉坼陰開竇沃日浮
 天初汨沒圓衡拂高山於尋祗之下復逶迤遠注散
 餘波於馮夷之川為神龍窟宅之土而致美為陰陽
 蓄泄之所而通元將海日泓浹而照此豈坤儀挺拔
 以隳焉來何所自去何所止始開雙漢發輝於汾魏
 之郊竟助洪流歸潮於渤解之水借如月色初升晴
 空下凝繁星映而珠滿新月入而鈞澄汨乎風駭霧
 勃煙湧雲蒸則有鬼神倏閃以恍惚蛟螭鼓怒以噴
 騰異物之與詭怪孰可得而備徵意以為潛虛洞決
 脉流派別雖一河有隔終陰隙以相連故數眼分開
 涵碧虛而共潔是以百尺澄兮四空晶珠胎明兮沙
 岸皎洗拂煙埃蕩漾魚鳥亦涼生朱夏氣暖互冬守
 謙下以含道順猷澮以利農道則以物為賓水則假
 利於春人有情於利水水無意以求人人之自偽我

豈非真故至人以水爲德以心爲鏡鏡雖明不利於人水至平不濳乎性故濇之爲澤也廣濇之爲鑿也靜若壅而閉則澤不能及物混而濁則鑿不能自正故選士者象清濇以含虛懷才者但明心而未映苟能酌憲於茲泉則可以相鹽梅而翼聖

祭先河而後海賦

宋歐陽修

在祭者必有常典務本者貴乎不忘既先河而告備乃後海以爲常幣玉始陳恭視諸侯之瀆牲宰繼列方祀百谷之王探國典之舊文撫禮經之大旨以謂河導其派水一勺而始矣海納其會實百川之委也祀容肅設必先有事於靈長望秩並修然後功歸於善下誠以決九川而分導括衆流而混并一則窮本而有自一則兼容而積成是用分理章而異數昭祭典以推行命祀首陳始則出圖之所禱辭以設方祈紀地之名用能縉乃令儀昭夫重祭利萬物以斯善用五材而並祭無文既秩榮經瀆以領祠羣望既行

禱朝宗而用幣外則盡物中惟告虔既義取於源委乃禮分於後先一禱致誠必告榮光之涖大川並走嗣臨重潤之淵得非衆嶽肇乎一卷推輪生乎五輅考厥初之攸在彰返始而爲務亦猶文王之祀雖貴不踰后稷之尊齊人之事將行敢越配林之故是知河必居首取懸源而肇茲海不自大由積衆以相成其導洪流而並注散靈潤以旁滋顧乃濫觴之因必有先也視爾委輸之廣然後從之信哉祭尚潔誠禮惟思反將展報以爲義必討源而自遠故夫古哲王之祭川必務其本焉

河清賦

明楊士奇

歲在旃蒙月維攝提其日癸卯晨光初晞祥飈融暢慶雲爛垂天子御丹宸闢形闡班龍節建鸞旗肅九重之容衛紛百辟其來趨促武乎金門屏息乎彤墀乃有陪臣晉國之使頰伏殿陛陳詞獻甌上言河清河津之涖發書訊占聖王之瑞臣睹之敢告天子天子曰嘻天道應人必以類至作德者降祥弗德者垂

戒予未究乎慎修何以與於是也使者既出時則徹
 侯上公羣卿列秩仰聆玉音愉愉屹屹固已識其靈
 祥未備究乎事實退就使者而悉焉使者曰昉河流
 之將清蓋先時而異狀其始也沉碧凝黛流丹曳虹
 忽異復殊黈色彌望烟素華之浩潔汎珍晶而滂泱
 妙神化而屢殊協五行之迤旺方濇濇瀏瀏混混養
 養湛如清渭之奔浩乎蒙泉之放洄荆玉而演迤拖
 齊穀而浮蕩影萬象於昭晰而淨纖塵之決灤也於
 是傳告雜選聽聞駭惑奔走道路聚翫崖側睛目炫
 奪心懷暢悅鑑妍者賞明濯汗者避褻此其大畧也
 其詳未易以遽說焉於是聞者仰而思顧而言曰河
 之發源出乎崑崙於毘嵐漫混混渾渾濁涇方之以
 尚冽潢潦擬之而同昏然而其清為聖君之瑞見於
 子年拾遺之記兆天下之平出乎京房傳易之論洪
 惟我皇繼序太祖道合羲軒功隆舜禹政教施乎萬
 邦德澤流於九土斯河清之協應豈偶然之故也蓋
 水為用滋潤長育六府所叙功同土穀造化於是而
 發祥非在惠養斯民而致其豐足者乎革去濁汗瑩

然湛明非在蕩除貪穢而用夫廉清者乎斯盛治之
 所本豈尋常之為異雖聖德之弗居諒天意其有在
 固將表治化之熙明而徵太平於盛世也躬逢盛事
 振古所希拜首陳賦繼以歌詩詩曰水先五行兮天
 一攸生維河之祥兮革汗為徵千載一見兮協我聖
 明澤流潔清兮隆化斯徵於千萬年兮邦家之慶

黃河賦

明薛瑄

吾觀黃河之渾渾兮乃元氣之萃蒸濬洪源於西極
 兮注天派於蒼瀛貫后土之龐博兮映珍溝之晶明
 過積石而左轉兮龍門呀而峻傾薄太華而東鶩兮
 撼砥柱之崢嶸入大陸而北徙兮迷不辨夫九河之
 故形經東海而紀眾流兮擅浮沉之濯靈覽頽波而
 懷明德兮何莫非妣氏所經營登崑崙而俯視兮固
 彷彿其初迹馭高風而騁望兮遂周遊其曲直何未
 流之混濁兮始清微而湜湜蒼澹灑而徐趨兮勢云
 汙而自得觸險石以鬪暴兮詫雷轟而轂擊天宇擴
 而沆漭兮渺上下之元黃露雨靈靈而滂集兮混濛

古之洪荒微風蕩滯而渙散今天機組織其文章頽
 焱浩而洶湧兮百怪垂涎而簸揚腥雲濁浪以盪汨
 今恍顛倒夫丹航靈曜升而赫照兮乘正色於中央
 望舒在御而下臨兮列宿涵泳其光芒若乃震秉符
 以行令兮百谷淫淫其凍釋山澤沮洳以上氣兮增
 混養之洋溢魚龍乘壽以變化兮杳莫測其所極祝
 融載節以南屆兮雷雨奮達以雩霈橫支流而股合
 兮百川奔而來會木輪困而漂拔兮蔽雲日而淘汰
 狂瀾洶而齧岸兮塊土馬塞夫衝潰霜戒嚴而木脫
 兮少昊執矩以司秋洲渚緬邈而石出兮始殺湍而
 安流霰雪紛其四集兮顛頊乘坎以奮神大塊噫氣
 而摩軋兮流漸下而龍鱗層氷橫絕而山秀兮河伯
 驅石以梁津羗險夷而明晦兮變朝暮與四時颺風
 起而衝目兮莽恠駭其難推睹圓方之一氣兮恒來
 往而密移昔尼父之嘆逝兮跨百世而罕知顧川流
 之有本兮與終古以為期啓龍圖而玩六一兮悟主
 宰之所為愧予心之未純兮感道妙之如斯聊誦言
 以自明兮庶晝夜之靡虧

晉國賦

明張鳳翼

粵若稽古晉國廣袤麗於黃墟阻三河於碣石實禹
 貢之中都輪逶迤其磅礴經曼衍以平鋪達窳窳而
 九達亘天造之雄圖爾其昂躔墟參辰應隕匪以
 揚紆靡以大陸蕪以燭龍特以鉅鹿北塊沆漭水陸
 歎吞蒼虬左抱白菟右蹲玄武聳轟鶻火迴翻誠風
 氣之所宅而扶輿之所庇於是東跨齊疆南連楚域
 西距三秦北窮五國以天隲日觀為儲胥以雲夢漢
 陽為朱闕以紫淵華嶽為藩屏以黑水清山為障塞
 控八紘封域以居尊羗何擬乎彈丸之一幅其山則
 王屋夏屋龍門鴈門三巒三磴九箕九原纍頭傲斗
 壺口懸壘砥柱峻嶒而倒清大行截業以蔽瞰又有
 銅鞮雷首姑射中條君嶽參堯崑崙岷嶽崑崙崑崙
 峇峇參參擁崧恒而作鎮固方岳之所標其水則沁
 澮沱汾洮涂泌涑滎澗潞潞潞潞潞潞潞潞潞潞潞潞
 敷濤鳩汭泚融而厥渡疏瀹灑於龍渠澹滟潏潏於象
 谷又有桑乾濩澤嬰澗平田玉泉金泊石洞昕川汪

洋崩泮漣漪潺湲湯湯淼淼涸涸濺濺灌黃河以東
 注翁覃懷底績之暎其險則飛狐挿漢巨馬洞壑羊
 腸九折龍首千尋瓴建井陘之隘管通句注之陰其
 勝則董澤盤盪呂梁噴薄峪止鳳凰樓高鶴鵠五髻
 現境於清涼四鎮宣威於毳幕其靈則祥開金鳳瑞
 應烏龍三峯王氣五日陰夢雩崇侯兮靈雨駐妬女
 兮停風其異則管涔神劍渥洼天馬朔雷層峨火山
 砮同辣蛻蜒以衝水壓踉蹌而負野其跡則穀城苑
 苑鹿苑芊芊傅岩迤邐孔轍迤邐閬矣西河之室蔚
 然綿上之田投筆之臺未圯煉丹之鼎猶煙此實上
 游之寰寓既博之幅幘也由是顛氣瀾漫載亭載出
 瑰麗以繁瓌奇以別擅萬物之晶華表千秋之殊絕
 則有并刀韓甲屈馬垂琛雲沙代赭澤錫遼菴廣陽
 之鐵大鹵之金紛紛藉藉品品林林若夫冀北之煤
 連綿大麓斷谷礪呀摩肩擊轂五方絡繹以躋涂萬
 竈斫煙而轉煇河東之鹽漢決神齋皚皚晶晶纂纂
 鱗鱗佐園泉於九府通賈販於四隣又若上黨之屢
 大河之涘軋札相聞噉啜是比絢藻火與山龍噦鱗

鱔及鯉鯉總興殖於巧區詎瞻瞻之能齒肆其陂塘
 瀦灌溉通原隰墾稼穡同各園繞獵盛園芬藜蔬則
 地葦天花霜芹雪藕驚蕨鳧晚菘早韭芋薤葦葑
 爰象爰有行白玉於高門送青絲於織手穀則秬稻
 糜芑粳粳稻秠禾麻荏菽九穗一莖種穉重穆如坻
 如京可以實倉箱而穀士女供俎豆以庖粢盛花則
 茵蔯茶蘼姚黃魏紫芍藥薔薇金嬰玉藥蓓蕾芳菲
 含香散榮蔽雷塢兮森森簇簇欄兮纍纍木則槐檀
 樺栗檜栢椿松桑榆栢檉杞柳桐楓參天溜雨菱葑
 菁葱滋偃蹇連卷之勢壯翬飛鳥革之雄果有紫李
 黃柑細桃白棗常山之梨安邑之棗馬乳稱猗氏之
 甘狸首美太原之好足以敷賁精英而發果蔬之瑤
 它如白豸水鼠赤豹黃貍麇茸貉腋龍骨雕翮玉芝
 雲母紫石蒼英莫不猗那是產以蕃動植之奇至於
 雉堞雲橫雄關斗絕玉壘金湯四圍峭嶮軍州地勢
 以居宇縣犬牙而列鼎峙受降之城延亘防邊之堞
 魚符所統什伍蟬聯戈鋌壓地鼓角脛天砢礮碣磬
 駢駢驥象譯寄鞞之屬靡不震而驚焉聿有朱邸

黃扉繽紛匝匝橋駕飛虹臺邀明月表以晉陽之宮
祀以汾陰之闕窮池館暨巖房清冷於不竭且也珠
明魏乘璧重秦城毫散伐山之頽圭呈拔樹之靈玉
馬璘瑞而顯异仙藤馥韻以旌誠此其著者餘物難
名進而求之光岳攸鍾文明蔚起人傑地靈儷鏗績
趾聲施曩曩之顏徽潤質管之此爾乃摹馳獨往秀
擷羣芳行純金錫操凜冰霜既鶴鳴而鴻漸亦虎變
而龍翔越倜儻其魁嚶豈只尺與尋常故語高曠則
薇留孤竹之風松掛一瓢之月逃三聘於鼃池隱十
經于於越傲世兮枕流辭榮兮蒔藥猶聞張果還山
王喬跨嶠俱蟬蛻乎風塵而逍遙於雲壑文章則駭
綜史記玳揆洞林詩詫明河之錦賦稱擲地之金中
說敷陳乎名教彙馳濬發於靈襟蛛網燕泥指堂梁
而振響落霞秋水度高閣以流音誰不照丹文而光
綠牒穿月脅以貫天心其為望也忠著程嬰義推張
老智决輔車仁昭結草勒印在於相如崇折巾於有
道六龍騰和藪之輝三鳳煥河東之葆殆煜乎垂景
耀於春秋而祕然播餘馨於品藻也至於孤憤激大

節援誓九夙重一言灑龍逢之血遊維經之魂伏鉏
麇之觸甘豫讓之吞溫序啣鬚而抗劍呼延文體以
酬恩凡此剛方之氣亦已翻溟海而撼崑崙更有應
運風雲爭光鼎呂文揚黼黻之華武奮助勦之舉若
三卻佐軍若五蛇從旅若筴效和我若筆稱良史若
狼暉之突陣摧秦若羊舌之周知敖楚咸斌斌乎麟
鳳之儔而洸洸乎干城之侶猶未也六卿既太三晉
遂分噓以羸燼蒸以漢雲唐風之所被宋德之所薰
其間師師穆穆濟濟芸芸如信陵率五國之師平原
高十日之飲侯嬴收卧內之符毛遂脫囊中之穎趙
奢解闕于之圍陳筮告華陽之警衍儀前席夫六王
頗牧披鋒於四境斯亦畸矣循是傳采星馳雄風電
掣西京衛霍之軍功東晉裴王之相業狄梁與薛史
同標司馬泊王楊並轍秉燭達旦揭日月於無疆騎
尾歸天壯河山於不蔑繫何代乎無人亦何人之非
傑又其盛也晉文復國趙武爭盟韓昭修術魏惠徵
兵汾澗狐鬼之磊落沙陀亞子之崢嶸當其時屬車
秣馬斬藿披荆叱咤則飄霆改色指揮則參井無精

莫不業業赫赫砢砢轟轟夫非一世之雄哉然猶偏
伯耳蓋嘗覽輿地按冀方歷蒲坂朔平陽弔伊耆之
休爍追姚氏之烈光則見堯天永位舜日常熙四方
以宅七政以釐九州以奠百穀以宜五品以序三居
以夷八風以鬯六府以治封十有二山之鎮弘萬有
千歲之基迄於今士尚謙恭民多醇古恍不識不知
之畔一讓畔讓居之度去華從儉則素題越席之遺
也憂深思遠其暑雨祁寒之故乎於皇哉唐虞作對
夏殷繼昌神臯腴藪鬱乎蒼蒼雖巨鎮雄都未敢望
也而何有於僻壤要荒

砥柱賦

明唐 肅

黃河之流西來數千里兮貫長城而南馳激龍門之
險阨兮霆奔電馳氣洶湧而莫支歷華陰而徑趨兮
乃折流而東下勢若萬騎銜枚而疾走兮將悉鋒盡
銳鏖戰於平野何砥柱之萃律兮獨傑立乎中流儼
一夫之當關兮強兵悍卒睥睨不敢運其戈矛惟密
伯子之敷土兮導洛洞而平之鑿此山以流洩兮剖

三門之嶽巖然後洪波巨浪齟齬而不騁兮分流析
派間度以透迤過孟津而逾洛汭兮東極於大邳苟
非是以少楨兮何以殺天吳水伯之淫威予嘗駕方
舟而求古蹟兮誓將豁心胸於浩蕩過黃老之神祠
兮遡遐石之泱泱盼連天之修楹干雲霄而直上濁
波洎汨包其下兮顯神功於俯仰使昔懷襄之莫救
兮匯四海為一區上巢下窟之赤子兮殆皆戢戢以
為魚覽斯險而慨嘆兮雖天造而地設微互聖之大
智兮孰成夫萬世之烈噫吁戲世道降兮風移俗偷
頽波汗漫兮忌剛茹柔魚蝦鼓舞兮蛟龍鬱愁豈無
吾人之砥柱兮障百川之橫流

鹽池賦

明姚誠立

河東鹽池即古所稱解池也神工所鑿海竅通之地
連雍豫楚分參觜幅幘廣敞百二有奇滄漭迤延眾
脉委輸從任土作貢之初資庶民鹵澤之福於廓萬
頃浩渺乎禹甸之陽盤盪一陂劃開於條山之麓危

巒峭壁背峙而截業茂草豐林葱鬱而叢簇連碧海
 於長天接銀潢於平陸耀浮景之鮮鮮漬潤下之漉
 漉寒輝煥施遙奪緝晴素波淪漣擬展紋縠時而清
 風徐來零雨既霽皎月空懸旭光絢麗亭泓湜泚而
 滌洄眾妙雜出而嫵媚詎濯滄浪之纓誰效褰裳之
 厲何須宴樂橫汾誰羨垂綸清渭隱蛟螭於潛淵走
 百獸於秘邃飲如帶之霓虹蘸一抹之嵐翠周俯仰
 以四窮差縹緲而無對若乃依人境而漉漫傍城郭
 而法洵為嘉味之聚藪歛淑氣之氤氳玉壺仙跡儵
 霍濩其濫涌鮫人窟宅滢沉靜而深滢倘蜃靈之見
 象恍織女之渡津東跨夏臺而有栢塔瑤臺咸谷風
 洞之奇居其左西控雷首而有五老王官靜林雪岩
 之勝據其右稷山孤山紫金峨嵋當其前歷山讓田
 傅巖聖澗擁其後六池映帶而滌洄暹渠蜿蜒而廣
 袤總區外之支如殺狂濤而透漏於其遠也長隄層
 護架百里之飛梁於其近也繚垣匝周抵千夫之介
 冑戎毒無釁可侵暴客何隙而寇又有層樓巍岸峻
 宇高軒崇基回繞甘水瀑旋瞻雕甍之拱漢睇樓檻

之凌煙狀參差而錯落勢瑰璋而踴躍凌倒影而翥
 翰衝虛無而鮮顏於是操五絃以解愠準六義以賡
 吟酌陶匏以取醉娛驪景以會心鑣輪齊馭冠蓋招
 尋不減向洞庭以張威奏狎西湖而泛武林於美哉
 池也景物於焉備矣而阜國裕民財源會焉於是乎
 集羣靈恢廟貌竭明禋通顯報專祠者列東西以岐
 尊配享者別為次以燔燎風雲雷雨倚陰莛於監司
 日月山川透明庶於拱照遵御制之常典而肥牡清
 酤之交陳狗時俗之儀文而舞蹈發揚之並效歛而
 互英變律蒼陸報春伊曲沼之方燠迨水泮於斯辰
 北極初凝昔黯黯而色閉東風忽解驚片片之光新
 繁亂穉岸離披玉津開碧潭之漾漾挹白石之磷磷
 遲以炎夏駘宕浮華祝融秉令吳氣噓嘉淋瀝霑灑
 滃靄盤窪其初結也纖若塌花之依水面其成實也
 番若麗水之墜珠華方綽約兮漸漬忽續紛兮無涯
 擬編貝而貫珠亦如粟而如砂惟大小之參錯更方
 圓之殊差緬呈妍而積素殊皎潔而堪誇菟靈根於
 伏壤復詭怪而槎枒於是乎徵丁力集亞旅具畚鍤

載筐筥負暄陽冒溽暑效胼胝圖積貯無何而珉礪
 之砌突起如丘塊礪之堆密比是櫓一任取盈於天
 然之植何勞貧富於海濱之煮爾乃芻蕘之水晶難
 以方其堅好胸臆之餽子未足擬其甘飴餌之者譬
 峯膏之適口捧之者似崑璧之呈姿以擬至人之德
 生有恒而化有則以方君子之體磨不磷而涅不淄
 尚方需為珍產岳貢倚為先資而乃普駟僧之利權
 水衡之征惟生機之代嬗斯萬室之儲贏或克實乎
 天府或佐計於邊庭借脂鱗以併入兼梅鼎以和羹
 是以天王籌國鹽筴是飭經理分曹賚其掌職都運
 總之法軌九式迺遣代巡迺勅司直以旬以宣塞惟
 憑軾雖新猷之可圖究舊章之勿失三以分場兩而
 別漁利則剖戶口而均沾法則羅三省以為極故乃
 權子母之獲者不辭負擔而出途垂羶薌之涎者豈
 憚梯船而貨殖况乃著為不易之規申以畫一之令
 徵求有節供輸惟正跡平易之懿章弛操切之弊政
 掣放維時盈詘互乘察輪蹄之奸回嚴升斗之量稱
 事惟取給於均齊民斯相安以響應而更無爽三尺

無亂五聽務使融究息其僭差豪強戢其兼併以斯
 熙熙攘攘者靡不豫悅乎王道之本情而樂樂利利
 者亦胥繫屬於因民之罔病不然而煩苛橫施更張
 遙易蠹蝕交興煬灶四出骨吮髓歃箕張斗揭因而
 人悲徹骨之貧家罹懸罄之苦或籲天而載呼或仰
 屋而莫數或齋怨而入重泉或歛跡而離故土則生
 於池者成於池利於池者害於池如遠年近日不忍
 關於聽睹者未宜盡委於菑沴之侵成敗之數也民
 亦勞止汙可小康仁人君子幸勿緩須臾之澤以與
 民相更始焉亂曰汚彼醴池波炭炭兮鹽成自天光
 晶燦兮寶藏興焉國儲辦兮景物紛紜滋游衍兮永
 利是圖民綣綣兮解慍阜財王澤湛兮於以繩之事
 可接兮沕穆湮淪法則變兮不均而厲眾乃渙兮曰
 惟懷柔仍舊貫兮足國裕民適我願兮豈弟君子屹
 宵旦兮

河渠賦

明邢雲路

平陽之地古曰冀州厥田惟中厥賦惟上堯都其中
 比屋可封禹治其水井地千里由是地無遺利人無
 遺力下服先疇之嘽上均則壤之式湛恩汪濊流澤
 勿滴匪朝夕矣代之下也陵谷變風氣移壤井地闢
 草萊於是富連阡陌貧無立錫不鈞之嘆千載歔歛
 苟代耕者不為之勤民隱恭民庸殫智竭力通澤勸
 農則惛惛貿貿之眾其何以識地利而即田功哉是
 故秦關有瓠口之渠漢汾有皮氏之漑洛井獲龍骨
 而成鴻隙托神鵠而濟皆因勢利導振古若是也余
 小子若憤憤胡一技之有長身祿位而竊素目痼瘵
 其盡傷求民瘼而未得疑濟川之無梁乃者天運或
 至人事適逢樊生度勢而慧策丁掾稽古而達哀曰
 我有田疇莫或治之我有衣食莫或計之乃溝乃洫
 勞水之利乃廢乃興惟君之惠余聞言而若害亟輟
 政而啓之觀河渠之故道遡前修之定基或穿禦之
 未幾忽於潰之無時乃拙謀於汲井翻斥鹵乎田湄
 蓋由夫水工之未竟奚以之永利而堅為余乃鑿往
 昔祛因仍排眾咻弔田靈神哉勞銳意興且原夫勞

之發源也平陽之東浮山峙焉出蒙習坎厥有三泉
 北則蒼山隱天連岡礪磻八寶盤踞龍角崢嶸泉飛
 烏嶺黑水洄澹涵引高粱爭流潰騰南則神人崛起
 嶠岵昂藏巋然靈跡清斯湧流沙明鏡澤照魅飛黃
 赤紫流液金水洋洋中則聖王諸宰濟泉涖涖溜石
 通溝厥名浮渭洋屈大石神龍定會懸河西行泓澄
 溶滴之三泉者發源若殊合流則一北道遐泉有來
 洽漑百折云云大石斯入浮渭圖南金水注北三川
 攸同天潢漫漶乃名為勞流而不溢爾乃尊長堤之
 廣壑下高空之建瓴度林木之翳鬱歷巖瀑之砢礧
 學委迤而流緩激必漸而湍行浩乎渺渺澁若泠泠
 地脉以洩天吳不驚於是乎遇靈區而有轉為樊河
 之上流勢停迴而有待若反顧乎田疇宜盡力乎溝
 洫興民利而有休爾乃謀太筮今廸吉詢老稚兮協
 從差令日兮靈辰乃先勞兮鳩工使民以逸庶民子
 來經之營之惟河之治是日也程期計力詳費度價
 喻樂事之蒸黎乘農功之閑暇酌工用之緩急宜莫
 先於堰壩於是更水道注別支涸經流出塗泥淤塞

去板築宜爾乃驅數萬之卒徒紛併力而排掘塞鄧
 林之崧筮轉崇巒之岩石筮參差而阜攢石礪礪而
 山積愕貽負戴者旁午瞬睇輪蹄之絡繹若網在綱
 其有條無傲從康而勇役下筮石之鱗次漉灰瀝以
 堅蓄惟剛捷與壘礪日春相而轟厖崇度尋而又倍
 廣十軌而長倍之其上則金堤矗起玉堞相向為闌
 四閉層關疊障雄悍詭嚴中流鬪浪於前則刻形異
 獸並坐狻猊鉅牙鈎瓜雷吼電睚耳奮鬣肅乎神
 威若噬百獸若吸長霓蛟龍避之而不敢渡洪水振
 蕩而倒回於後則帝命瑤光下為二鰲規天邊地赤
 甲蒼毛巨靈鼉鼉重戴蔡巢五山安峙淳海澄濤於
 傍則巍峩華表鬱起東西左蹲浮巘右夾姑峯放悲
 若金莖雙立承仙露於雲表又若崑崙銅柱擎河漢
 於天空斯役也匪沉馬與冥璧豈役鬼而驅神宣房
 忽塞地維以寧盛哉爍乎乃命名厥堰曰千金既載
 高堰乃濟長渠適瞻河壩迷望田區公甸大興引滂
 穿涂萬眾咸戾雜還喧呼趙尉戮力郭幕均輸相水
 屬之理孫力排決而疏通或磬折以參伍隨疆場之

縱橫遭丘陵之駸駸方輪墨之巧功轉輓轡以起土
 竭胼胝而戒慵盡力開導乎阨隘漸瀾迤而叙立逐
 曲岸與橫陂善溝防以淫激尋地防而罔逆行奠水
 而理湊分井連渠陸鏤櫛比田疇之渠以億萬計乃
 虞夫新渠之口實為回瀨之衝循懸崖之岸岸鑿空
 洞之磴磴堅土精而深入積地骨以圓通豈玉泉之
 乳窟抑壺口之龍宮倏開闢乎雲霧若吞吐乎蟠螭
 出空洞而北下乃鑿沼於東陂順園渠以左轉周曲
 岸而規為育以靈藕蔭以新葵碧芷綴浹垂揚被堤
 畝連雉堞環抱樓臺蓋象夫朝月之弦半而徘徊乎
 天漢之涯空洞而上層臺屹然堂堂耽耽營室起焉
 爾乃筮重爻法大壯基崇卑模背向儻羣材授良匠
 觀水於瀾乃建有亭重軒三階增城累平葯房荃壁
 桂棟蘭櫺璇題銀榜青瑣丹楹應門弘闢連椽相承
 奕奕壯麗鎬鎬章明平臨島嶼俯瞰流泓循虛亭而
 又上乃起乎升高之坊度漢宮之九子則京洛之顯
 昌備臺榭之壯觀於元氣以翱翔踰錦坊而躡蹻遂
 偃蹇而上躋軼危崖而卻顧出水雲而居之於是因

高躅之岌疑築城鄂之壘覆擬冠鰲於滄溟盛瓊瑤
之神秀洞四達之石門架五城之飛構周睥睨之環
墻列方連而騰奏爾乃朱樓鬱其特起厥高立乎天
中因瓌奇而究材乃巧極乎國工羅疏柱之峙嶽駕
曲梁之飛虹累薄櫨以磔堦翼撩璫以璵璠攢飛欄
以戢翼翔反宇而穹窿繡栢叢結乎欒曲枝穿枅枒
乎棟隆爛焉丹青與赭堊輝輝圖雲氣於紫宮重扉
敞其四闢罽罽網於雕櫳越圓淵與方井迺反植乎
芙蓉飄瓦萃鴛羽乎其上帝居擊靈鼉發鯨魚
告竣水道可疏乃復卜穀且謂帝居擊靈鼉發鯨魚
要明神穆將愉靈之來風雲趨龍神導水德乎爾乃
塞假道之支派夾經行之舊川河湯湯其乍注響急
瀨以潺湲凌赤岸而盆溢遭金堰而怒漩鬪蛟龍於
海嶠捲胥母之潮山昏日月而神銷翻宇宙而無色
吁可畏哉胡爲乎橫暴之極忽回瀾而豐起乃拘怒
而少息於是巖然禹穴宵乎雲門平吞潢漢倒折崑
崙飛纛逆浪於此焉奔納大浸而無餘豈不仁兮河
伯轟雷動於地中駭坤維之震剗方欲入乎川流忽

噴出爲膏液洞口靈池厥渚惟右次湧廻塘分流通
寶月沼瀾漫豐澤無漏惟盈科而後進乃漱盪而安
行六龍蜿蜒其並駕載雲旗之晶熒飛廉從從而扶轄
屏翳飄飄而來迎驅豐霽而呵御翊黔雷以順經流
淼推移決瀼澄泞濺漬浮波漬淪蕩汙滌浹成文漱
漻就下其拍岸而相礮也則凜焉洄洑粉汎激洌若
淵鼓之鑿鑿其飛溜而爭馳也則汨焉濫濫漑漑滂
漉若駛箭之趨疾其擊磊而跳沫也則礧焉礧礧漑
漑漉漉若逆珠之芻芻其淵匯而句矩也則隱焉隱焉
濼濼漆澀澀若飈風之洄颺其潛穴而潰出也則澗
焉澗澗波瀾瀾若瀑布之浮瀟其遵道而涓流也
則悠焉淙淙瀾漫瀟瀟若屬車之輶輶於是醞高渠
瀉窳域靈脉通股引出開合去留瀼瀼濕濕或均遂而
蕩濶或舍列而通洫徒觀其縈紆乎嚙滄之畔灌注
乎廣衍之瀆鄰鄰結絡漾漾紛員界駁脉理町畦綺
分千頃斥斥萬井昉昉經陌泥養帶阡滄鄰若乃沮
溺荷插而雲興鄭白夾渠而鼎沸一決泥而數斗欣
且糞而且漑匪從畢而滂沱靡寸壤之弗漬膏液歷

以滲鹿閎澤沛乎淋漓亡汲泉之鳥鹵有填淤而加
肥涉揚芟之不暇棄枯槲於井湄其爲勢也勃勃焉
浚浚焉忽焉野馬決其騰踏又忽焉攬槍飛而亂馳
溶溶歷歷焉紛交流之溢目若羽林天軍之散乎虛
危朝馬驚湯谷之拍天日夕馬駭濛汜之湧噴噬若
乃田祖播氣后皇降祥九穀布種五德順方耕耨以
時樹藝允臧勤斯不匱自嘉我降倬彼陸澤北里齊
方含秀垂穎罔莠罔稂油油我黍莫莫我梁禾一稔
而二米盛玉粒於金秭雜非煙而非霧乍雲起以飄
黃方胃南之膾積亦實廩乎天倉斯則水曰潤下土
爰稼穡王人重農所寶惟食豈江潭之產丹礫匪滄
海之秘鮫人地出泉以修貢天雨粟而效珍蓋五材
雖紛然其並用惟水德廓其無垠於是春秋受謝獲
刈乃畢露庾如陵家儲惟億朝饗夕殮出作入息瘠
土昔勞沃土今逸俯仰征輸咸於是乎出而蕭茅簞
蓋亦此之自實樂事之民咸思報事功歸龍神禮明
禋祀余乃帥昨衆把瓊芳走靈宮肅趨陰抱拊鼓歌
浩倡八音會紛滿堂神翳降續皇皇答神庥惟禩將

祝曰粢盛普淖謂嘉禾之庶蕃也縮鬯馨香謂澗涸
之芳蓀也祀事洗腆謂民力之普存也史正詞而善
禱祈錫羨而隕禧亡陰陽之或頗信雨暘之若時屢
豐年之穰穰永殷富而宅師惟神歆而顧德予乃登
受乎降福之卮夫然後歷亭臺之層構造樓閣之高
居臨中天而顯敞騁四望之所如覽山川之體勢察
禎祥之有無見華實之蔽野聆歌咏於田廬忽天白
其顛顛流光景之曄曄疑軒翔而無地似顛墜而復
躡伏風稊以潛聽聞雷霆之霄雲靈曜旁轉乾樞下
傾浮觀霄漢逼視天庭朝留雲於南端夕得月於東
榮或返照於饑日亦挹斗於互冥儻馬低回眎水與
雲流而下鏡乎至清斯蓋仙靈之悠憇匪吾人之所
寧對酒當歌霍然長嘯登降亭臺嬉遊天笑旣弭節
今乃下遂游目於芳池命機師與篙工開畫船於清
漪盛肴楮之四陳酌玉椀與金壘爾乃秋蘭繡浦屏
風文波錢連紫苻珠迸青荷采采芙蓉紅漣沂澗錦
鱗次色喁喁猗那飛鳧立鷺下上孔多淵客鼓曲榜
人奏歌歌曰哀江南兮稚女兒歌采蓮兮停落暉歌

聲揚兮令人艷一再歌兮令人悲又曰采蓮兮采蓮
 展轉兮自憐蓮心兮何苦藕絲兮相牽雙撓兮並進
 乃蕩槩於中洲張華蓋以輕颺動牙檣而舜猶伐蓼
 鼓之闐鞀吹洞簫之悠悠八音奏以沸天停高雲而
 不流魚竦鱗而出聽翰驚起於灘頭擊飛瀨以砰宕
 翼颺風之颺颺行里所而泛泛歷曲折而由由犯柳
 蔭塗以曇布蕙蒹夾岸而香浮若乃合尊促席賓主
 若仙浮白引滿逸興翩然烏號落羽任竿出鮮金羹
 銀鱸以實方圓於馬更滌酌奏新聲楚袖舞風雨驚
 同心賦攄至情感馮夷懷湘靈良夜宗宗輕颺徐徐
 若浮槎漢若泛蓬壺酣滑式宴其樂只且於斯時也
 從流上而忘反憶子輿之明規禮洽情而抑泰宜率
 履以不違遂收歡而命駕賦既醉而言歸然後乃集
 田父於千金之堰與之諮稼政計問閭於時明河燭
 地皎月光天憂深思遠交傲在焉願民毋忘勞力之
 艱而怠事民亦願勞心者之母忘我民毋忘勞力之
 利我上腴衣食之府載濬載濬沐浴膏澤歌詠勤渠
 上下胥感矢茲不渝粒我蒸民永奠厥居

晉陽弔古賦

國朝表鏘珩

客從汝海言涉晉江攬山川之窈窕遵修路以微行
 戒前驅而弭節爰泚筆以方皇若乃伊唐遺俗叔虞
 故疆參井分暉莆昂歎芒跨上黨而控平水背雲中
 而面汾陽隩區綺錯巖邑鱗張藐姑射之仙蹤表西
 河之泱泱地何為兮縣上竹何為兮首陽馮今嘅集
 望古情長爾其五色補天三多祝主歌帝力哉何有
 懷明德于神禹城以堯名山因稷著蒲坂之風流猶
 存耿都之屢遷非故桐珪兆基獻文廓祚勤三駕而
 霸世獵風雨而必赴沈鼃何堅探穀何苦定策入關
 功成一怒斯皆彪炳古今龍飛九五雖寶錄其代膺
 亮非德而不舉若夫心勞寅亮績赫旬宣夢開風后
 鼎燮巫賢嘉胥靡之纍纍美龍逢之拳拳從公于亡
 歷年周旋維午與犖又何擇焉武子之德在人郇伯
 之膏如天豫讓之伏劍永恨嬰曰之存孤獨全彼斗
 南兮一人繫安危乎卉年眷馮君而矢歌何驄馬之
 翩翩欽異人于潞國溯司馬于涑川董狐有良史之

稱博陸有負展之肩伊文武其兼備固在昔而云然
于是將畧則衛霍尉狄吏治則尹張郅賈元鎮則氣
壯本朝仁叟則清聞天下握籌而智勇屈抗旄而天
威懾藉敷而輦轂清化布而枹鼓寢暨乎子師之志
服王室鉏麈之身全君命干木二王之節褒玠古弼
之誨周黨仲塗之高義彥方伯道之至行閔仲叔之
清介王懷祖之雅正表聖許繇之風致恭楷叔寶之
雋令王武子之豪爽自負冀大夫之伉儷相敬郭有
道之洛浦仙舟裴行儉之人倫藻鏡趙景真之孝友
醇正關亭侯之忠義天性流縹囊光竹素以照曜人
寰者盛矣至乃經世大業權輿卿雲彈琴歌風阜財
解慍爰及春秋郁郁紛紛辭令之美厥惟行人范張
舌在縣河致君敦詩說禮未易殫云登高掇藻遇物
抽芬樛而不陋質有其文自秦徂漢是惟龍門纘往
聖之陸緒成一家之微言爲廿史之領袖藏名山而
特尊爾乃四宋一門獨絕雙溫奕葉相望王氏以樹
珠爭妍薛家以鳴鳳發祥仲淹以祖孫鵠起無功以
兄弟雁行景純入室柳州登堂三孫鍾美二裴流芳

盧侍御才子之譽郝佐治七日之狂柳洗馬之落葉
亭臯薛中書之燕泥空梁或凌顏極贊或援莊僂忤
或團扇致慕或枋頭見怒或蚕室幽囚或炎瘴屏戍
或第宮嬪而飛翰或弔帝子而搖賦或擲地而金石
鳴或披帙而詩畫具要皆亭亭于書記焯焯在耳目
筆落而風雨驚文成而鬼神哭信東南之多才會何
足以髣髴其萬一者乎乘保障之雄雉想尹鐸之風
烈疇登樓而舒嘯恙聞聲以淒絕奚竹馬之邈然望
野亭而且泊諸君子兮遺愛詒士女以利樂豈芳躅
之難繼何清風其若削愍蜚鴻之滿野冀美人兮可
作車溢載而終覆舟非水其焉度旣皮骨之不存問
有毛將安附緬隋秦之已事尋前軌而不寤物有生
而必敝器無成而不毀胡回道人之踪跡閱數百載
而長視輕清積而爲天寧玉棺之可墜曷啜水而爲
蹇又疊置乎巾笥誠僊家之瑰麗非恒理所思議卽
鷗鳥夫勒虎猶老僧之餘事瞻五峯于雲漢固文殊
之居也索夏屋其馬在哀代王之殊遇過大陵而
延佇帳鼓瑟者何其捫篆書于石室將烏從而辨之

蹉柳溪今何柳悲杖華兮奚華避暑之宮露泣教子
之宅月斜趙襄之祠風咽漢文之殿雲餘唯是管泮
句注臯落呂梁麓臺隱泉狐突羊腸邇共四關淫鬻
遙借恒白翱翔既曾嶼之柯敢亦復嶺而髮繁每與
殆而僕煩倦游子之宵征車不得方軌馬不得趾騎
憶李客之險語歷其地而非欺乃有奇葩異卉延阜
被崗輪囷古樹蒼蒼乎蒼蒼瑪瑙黃鼠龍骨麝香花斑
之石石花之魚羊羔清醞葡萄紅醺鶴觴相餉千里
不渝人覆天花厥產則殊歎蓋蓋之佳氣蔽日月以
交虧胎蠻之所式馮羣帝于此乎祝釐若其原清漳
枕桑乾泉滹沱表居延川標妒女之名津錫君子之
號殊塗岐趣齋漆晶滌北彌紫塞西接白羊孰三河
之可捐允人謀之不臧陟李陵之舊室顧長城而太
息未二世而忽諸駭築怨以何益慕蘭生之英偉睨
虎狼而定畫壞武安之干城墟却郟于一擲淒風起
兮吹余裳揖青塚兮瀝酒漿蛾眉入宮兮卽嫉荃何
悲兮王嬙旋余軫兮南指憇吾馬兮汾之涓業衆山
以淪胥兮慶獨存此萬戶管騶吳之仁獸兮于嗟睹

茲白岫訊溫泉之湯湯兮土人謂余以前游卓卜商
之遺風兮家弦誦而在茲贖老馬以歸阜兮識仁者
之所爲伊文侯之賢智兮蹇于此乎相師噫在德而
不在險兮釋吳子之好辭驚義棠而警策兮矣故郡
之末垂竦太嶽而仰止夏楊侯之故墟遠哉負乎茲
邦之舊也固乃唐虞之所分夏商之所都玄澤洽而
允若皇風扇以穆如謂宜戶口駢闐婦子隱賑路無
一家之哭河有九里之潤旣而爰諏邨塢載巡田廬
街里蕭條原隰荒蕪居民星散土著雲流轉而四方
蓬振萍浮頽壁圯垣彌莊連屋黃髮玄髻傷心慘目
其朱扉丹楹宦邸佛龕葺苒于城內外者蓋百不處
夫二三於是咨交城裏維藩思賢王挹襄垣詢陽曲
而悼山陰仰西河而想懷仁徘徊別館惆悵離宮雉
雅雉于春陽狹鼠嘯乎秋風何黍麥之油油而余懷
之冲冲乘風移兮誰家瓦礫積而成丘鞠中唐爲茂
草五廟餒而焉謀夫歷數之攸歸于何尤乎狡童况
有君而無臣非所望于羣工看銅駝之零落則將安
庸彼百爾同燕雀之媮煦竟陵遲以至此爾乃寄愁

杆憑曠然遠覽南則中條雷首之林岑王官卧龍之
律崑傳崑嚶嶼乎平陸孟門壘隸乎北屈蒲歷九原
之鬢侍况徙倚以若近喬翔五老之屏植儵矚眇而
欲遠厥有跂者卧者夷者俛者醉者怒者沐者荒者
端笏者歆器者虎挈者虬躩者鷗蹲者梟矚者莫不
時翠橫靄他他籍籍犇驛而思媚乎几案其左則汾
水滂淚于內黃河液滴于外龍門堯兗賦湍驚瀨巨
靈鼉夙掌華未艾蛟虺于焉變化風霆之所彭湃涸
涸漭漭莅莅沛沛瀕溶澶湑粉汎旬磻竭欲清而引
濁滙細流以成大若泌若晉若絳若滄若雷董若瀉
洎雖支分而派別咸朝宗而來會葭菼曉曖兮淥湄
菱藻翬歷兮翠面固瓌奇之叢藪而鱗甲之隱見萬
族千宗更僕未終者矣其中有鹽池焉穆天子八駿
之所騁蚩尤氏覬覦而降災者也踞安邑跨解梁周
表蓋百四十里以有奇當夫赫曦中天纖雲不興南
風徐來波皺紋滌離丁蟻集厥寶告成粲兮連貝纍
今貫珠以天地爲鑪冶故獻奇于須臾佐縣官之
計爲秦豫之所需異亨泉而煮海疲人力之勤渠于

東則地勢坱軋千里歛隘轟大行之棧齮宜尼父之
迴車升彼巔矣沁水潏潏黎侯路子故國在焉晞余
髮兮搔首空鳥啼兮荒煙膏吾轄兮馬如倏而過兮
長平日晡晡其將暮兮馬驕嘶而不行風雨濛而晝
冥兮或告余以哭聲唉暴秦之不仁兮內州萬人于
一坑彼括庸其奚誅兮蒙獨怪夫王之不明奪老成
而售讒慝兮令豎子以成名紛余旣懷此不平兮盍
選勝而命觴相羊乎寥廓之域夷猶乎莽畧之鄉於
是乎任父觀魚獅子從禽挾彈入山振斝臨深侯鴈
張兎命鼈羸劔差鱗接翼充厨盈庖于是膳夫拭砧
有晃鸞刀以脍以涪以脯以魚絮以蘇菽壘以薑棗
清粲外越紅鮮內保于是徒御遲而染指賓友翩其
來臨燕胥樂只吹笙鼓琴衆屬厭而且效旋避席而
沈吟願以小人之腹置諸君子之心爾乃拂襟危坐
正容凝思顧瞻周道如渴如饑幸徽音之未沫庶典
刑其在斯猗箕山之耿潔而不諒于逆旅苟余行其
信芳又何有乎時俗之齟齬質虞芮之閒田感姬化
而不耕奈末流之如鶩眇錙銖以必爭墮雨雪之重

陰塗何從而或可審動息之攸宜思古人而獲我

阜城寨賦

國朝曹續祖

姑射之西壺口之北瀾望蒼茫萬山雲黑洪荒堯畿
邊徼晉國古采桑之一方戍夷吾之舊域眇孤城之
彈丸披藜莽而始得邑僅三里之名民無二千之實
散處丘壑經營稼穡窟土斯居扉編柴棘烟火數家
出作入息若乃避豺虎之恣威防無稽之暴客艱池
隍之捍禦每緣崖而踞石升天半之危峰聊圖安於
衽席號爲墮堡亦名寨柵屏翰四郊星羅控搃惟茲
獨秀奇巒成城自昔展浮圖之右臂駐風山之巨擘
結龍樓於絕巔綴金鞍於背脊宛靈龜之舒頭如飛
蛾之抗額斬峭壁以設險悵空青與頑碧因而鑿洞
穿雲卜居寄迹風尚古公守拒柳距一夫當關豎鋤
爲戟狐鼠屢驚弗罹毒螫內有青青子衿諷咏朝夕
農牧比鄰優游斑白天上人間塵凡迴隔時而月小
風高嵐紫霧赤泉韻潺潺鳥聲噴噴淡爽清虛怡人

魂魄又見屏繞遠山水流大澤波啖珠璣嶂擁圭璧
綠野桑麻前村松栢種種奇觀乾坤另闢獨有蒼顏
老樵年邁半百布襪青鞋袒衣岸幘托隱離羣鍾愛
幽僻室製孫登跡埋膠鬲或放鶴而開籠或呼猿而
對奕或倚樹以調琴或陟岡而杖策任眼界之縱橫
頗神情其恬適乃爲選勝輿圖繙閱史冊念秦豫之
山河憶險阻之梁益一丸之泥徒封劔閣之塞孰阨
有輿區神皋以賈禍必土奔瓦解解之爲厄孰若獸蹄
鳥跡之方隅乃稱鐵甕金甌之無隙况類沓源與匡
廬不啻神仙之攸宅因題名曰阜城永鞏固今無斲

歌行

擊壤歌

日出而作日入而息鑿井而飲耕田而食帝力何有於我哉

古席老師

康衢謠

立我蒸民莫匪爾極不識不知順帝之則

古童子

采薇歌

登彼西山兮采其薇矣以暴易暴兮不知其非矣神農虞夏忽焉沒兮我安適歸矣吁嗟徂兮命之衰矣

商夷 齊

丙之晨謠

丙之晨龍尾伏辰均服振振取虢之旅鶉之賁賁天策焯焯火中成軍號公其奔

周童子

原田歌

原田每每舍其舊而新是謀

周輿人

暇豫歌

暇豫之吾吾不如鳥鳥人皆集於苑已獨集於枯

周優施

屣屣歌

百里奚五羊皮憶別時烹伏雌炊糜今今日富貴忘我為

周百里奚妻

河激歌

升彼河兮而觀清水揚波兮冒冥冥禱求福兮醉不醒誅將加兮妾心驚罰既釋兮瀆乃清妾持楫兮操其維蛟龍助兮主將歸呼來權兮行勿疑

周榜人女

段干木歌

吾君好正段干木之敬吾君好忠段干木之隆

魏國人

條山蒼

條山蒼河水黃浪波紆紆去栢松在山岡

唐韓愈

汾陰行

君不見昔日西京全盛時汾陰后土親祭祠齋宮宿寢設齋供撞鐘鳴鼓樹羽旗漢家四葉才且雄寶筵萬靈服九戎栢梁賦詩高宴罷詔書法駕幸河東河東太守親掃除奉迎至尊導鑾輿五營將校列容衛三河縱觀空里間回旌駐蹕降靈場焚香奠醑微百祥金鼎發食正焜煌靈祗燁燁攄景光埋玉陳牲禮神畢舉麾上馬乘輿出彼汾之曲嘉可遊木蘭為幟桂為舟權歌微吟彩鷁浮簫鼓哀鳴白雲秋歡娛宴冶賜君后家家復除戶牛酒聲明動天樂

唐李嶠

無有千秋萬歲齊山壽自從天子向秦關玉輦金車不復
還珠簾羽蓋長寂寞鼎湖龍髯安可攀千齡人事一朝空
四海為家此路窮雄豪意氣今何在壇場宮苑盡蒿蓬路
逢古老長嘆息回環世事不可測昔時青樓對歌舞今日
黃壤聚荆棘山川滿目淚沾衣富貴榮華能幾時不見只
今汾水上惟有年年秋鴈飛

故絳行

唐杜 顥

君不見銅鞮觀數里城池已蕪漫君不見虜祈宮幾重臺
榭亦微濛介馬兵車全盛時歌童舞女妖艷姿一代繁華
皆共絕九原唯望塚累累

首陽山行

宋郭仕道

首陽山青龍從上聳紫蓋凌瑤空下周林壑盤蒼龍嵯峩
自太古萃嶽鎮寰中黃河西來遶其下日夕雲氣開鴻濛
恍疑鬼神護又似丹青工諸峯不敢並蒼翠光玲瓏我生
癖性愛山水見此奇絕摩雙瞳忽憶武王收諸夏夷齊叩

馬來山東風雲變化適際會恥逐龍虎爭奇功歸來守岩
穴鬱鬱抱孤忠朝采山上蕨暮拾山下蓬渴飲澗中水熱
眠雲外松既不學赤松子又不侶商山翁丹誠耿耿照白
日勁節凜凜摩蒼穹首陽青青萬古色不改夷齊之心胸
直與天地相始終千載扶名教二子功無窮我歌首陽歌
未歇冷然八表生清風

平水神祠歌

金陳 賡

黃河如絲導崑崙萬里南下突禹門支流潛行天地底派
作八道如霆奔吾聞川真嶽靈有真宰况乃利澤開洪源
龍神窟宅瞰平野千古廟貌何雄尊深林含蓄雷雨潤冷
殿似帶波濤痕我來南州走塵坌執熱未濯憂思煩試斟
甘冽洗肝肺一勺注腹清且燉悠然晞風坐東廡倏見繪
畫如飛鸞仙宮華裾乘朱軒旗纛掩藹蛟伏轅雷公電母
踏煙霧天吳海若驅鼉鼉何時借取霹靂手倒挽銀漢清
乾坤廟前老翁顧我語孺子未易排天閭胡為高論乃如
此一笑春風滿面溫是時三月遊人繁男女雜遝簫鼓喧
騫菱沈玉答靈覘割牲醴酒傳巫言巫言恍惚廟扉闔拜

手上海山煙昏

虞坂行

金元好問

虞坂盤盤上青石石上車踪深一尺當時騏驎知柰何千
古英雄淚橫臆龍盤污泥易所歎麟出非時聖為泣五龜
竟墮余且網老鳳常飢竹花實天生神物似有意驗以乘
逢知未必若論好美是不祥正使不逢何足惜孫陽騏驎
不並有世萬億中時有一乃知此物非不逢轅下一鳴人
已識我行坂路多關馬敢謂群空如冀北孫陽已矣誰汝
知弩力鹽車莫稱屈

襄陵行

元王 暉

莫春庚辰日維丙駕言出遊事耕省西郊微雨半晴陰幾
點殘雲露山頂馬蹄踏破落紅香飛蓋追隨垂柳影晉人
熟食三月節店舍無煙竈厨冷春到襄陵滿縣花綠陰池
館總姚家清樽遠酌會心賞不與鶯燕爭春華畫輪歸輾

故堤金沙店西頭酒更佳舉盃為憶劉漢事雲龍風虎何
紛挐偽淵東開蓄峻址青衣行酒真驚塵寨帷一笑兩寂
寞野老指點宮臺窪萋迷悲向荒城曲依舊溪流帶北斜

故鎮行

明薛 瑄

北山翠嶺界天碧山前古景烟霞集兩行老木風颼颼幾
道寒泉聲瀝瀝溝塍繚繞禾麥稠林果木實被道周人家
門上甚蕭瑟村園水石殊清幽西邊梵寺臨深谷俯視溪
田藹新綠鐘閣風雲入壯懷佛殿金銀炫塵目斷碑蒼蘚
還摩挲細看歲月良已多趙宋金元迭興構黃童白叟爭
奔波誇雄競麗猶未已衰歇幾何還又起大道由來甚坦
夷何不歸斯而舍彼親朋導我村北行叢祠戶牖餘丹青
龍堂鬼物極雄怪土祠洞府何幽冥還復崎嶇歷西澗蹇
衣競涉波凌亂高柳啾啾棲暮禽平蕪渺渺語飛燕嗟哉
此景良亦稀遊覽未畢情依依念我昔年走天下每逢山
水娛清輝况茲故里好林壑有田可耕薪可斲待余他日
重歸來擬卜山居尋舊約

西磴行

薛瑄

偶來與客遊山間地幽便覺人境偏路入青林幾縈曲濃
陰不斷風泠然灑灑清泉來遠谷絳色寒瑩豁心目石梁
急瀉跳明珠草岸平流浸青綠北行更欲尋泉源山門蓄
霧勢吐吞兩峯秀出半空裏錦屏屹立當中尊復憇山腰
小琳館洞戶雲肩殊宛轉袖拂塵埃讀古碑茶餘苦乏青
精飯歸來白日天未中回頭尚愛千雲峯更待秋初稍涼
冷還登絕頂窺鴻濛

涑川導水行

明曾大有

秦晉分野群相圍川珍嶽貢承平久皇仁敷化理薰絃民
物熙熙自康阜作鹹澗下著箕疇雪甸瓊花穎如斗汭汭
巇利佐邊儲水患年來數非偶猥予謫陋愧三監胸中鹽
鐵書何有旁咨故道决西流父老前陳已騰口我家沉竈
產青蛙東里漂廬總龍湫吁嗟誰辨拯溺功不教鄰壑魚
黔首乃計徒庸程土物飛檄官胥迅奔走萬杵秋煙廢塹

完弱縷沿堤裊新柳導滯疏湮滙大湖確確胡能當擊楫
清流拍岸瀉黃河濺沫驚濤鐵牛吼桑泉土藝麥有秋婦
子欣欣饁南畝會看澼海疑素英依依斥鹵歸窮部司農
外府歲計餘裕國通商謠白叟作法于貪末弊流區區桑
孔誰其咎何似清朝權政平祖宗立法殊仁厚隨時補弊
在臣工戒事先期豈容後將來繼者富奇策經畧顯看掩
予醜澗澤都歸畫一中憶萬斯年同不朽

丹沙行

明李汝寬

君不見中條西接首陽峯巨靈擘破青芙蓉神禹歷山鑄
金幣寶藏咫尺遺陶鎔爾來相傳幾千歲天假山靈牢護
衛長日徒看麋鹿遊清宵誰識金銀氣浮丘道士優游者
偶來卜築南岡下為感山農租調供不惜丹爐與傾瀉銀
蹄擎出雪花寒靈砂從此播人間曹家庄口驢背隘温峪
峯頭洞穴穿天遺吾民山澤利爭奪讐殺豈天意十鼠其
同腐穴埋萬牛不戒前車弊山角腦毛葫蘆抽矛注矢相
窺圖主客爭強翻衆寡血肉膏野哀須臾月川憲僉搆有

標中丞檄自鍾山老兩院睚嘘一片心亟判臺章與驅掃
夏臺敏手有沙翁青年傑氣終軍同平生請纓向萬里豺
狼况乃邦域中花裏不妨投袂起却援五柳樊軍壘鳧鳥
踏翻紫峽雲牛刀割斷茅津水琴調中間諭蜀成赤幟縛
來鄭錦明七泉兜髡遂胸裂栢塚窩主降旛擎礦穴填平
申禁命農桑依舊烽烟靜策勲賜物百千鎚萬口轅門誇
健令山人歸隱舊山阿亡猿禍起憂枝柯餘年有幸洗兵
馬聊贈篇章頌楚波

學宮古栢行

國朝許自俊

森森古栢幾千年虬根蟠地梢挿天婆娑生意久愈旺縱
橫屈蠹影翩躚五幹已踰五老壽三株直拍三神肩爲龍
爲蛟爲虎豹疑鬼疑怪疑神仙將軍甲冑巍峩峩丞相冠
劍胡襪襪長眉瞿曇植其杖柱下老聃禿其顛翳沐日兮
更浴月爰欺霜兮復凌煙輪困離奇違世用樸拙萃嶽態
復妍雷霆霹靂不敢劫陰陽變化狀百千唐與虞與秦漢
與徘徊俯仰堪留連天濤風嚮生靈籟直無一曲通黃泉
吾聞間氣鍾人物物華宛似三晉賢庇根垂蔭趙冬日水

火不災綿上田爲梁爲棟羊舌氏銅鞮伯華相並傳尼山
鐘鼓籍清蔭禹貢括栢神氣全天下物老則曰酉徂來新
甫闕宮篇
天子命我吏西河龜山蔽之無斧柯蒼兮蔚兮荆棘多誰
從壁水賦菁莪松耶栢耶發哀歌桐鄉董澤人踏莎中天
大樹雲漢摩一木渾如魯陽戈願支大厦辭蒿羅一舒赤
手挽銀河

登龍門歌

國朝毛達

君不見崑崙之水欲往東海中走入玉關開鴻濛秦晉之
交一山綿亘千萬疊橫空遮絕不使與之通山雄水怒勢
相蓄懷襄薄天恣洶洪天使山川聽命于神禹縱令劈鑿
生奇功上泝積石三千里下抵泰山何逶迤迤迤泰山岨
層巒中流一線自瀾瀾沿峯湮塹尋獨往將欲出山停復
止山根雙岫相去不及數丈餘但見兩石屹立而封峙對
峙立復中分相傳此處爲龍門不識八年之中曾得幾晝
夜斧斤斷削今痕存青山翠嶽忽若破上出黃河漭漭直

欲盪乾坤漭漭黃河稱九曲一出龍門肆奔觸唯在此處
獨循循至今若受禹拘束倚山憑流得崔嵬登臨一覽何
壯哉上摩碧落之青霄下瞰幽壑之滌洞左拂旌兮嶠函
之頂右垂手兮條霍之隈雲靄靄兮垂衣之里風飄飄兮
拂絃之臺令人遠眺形神開帝德王功如指掌擴落心目
而俱來方將極八埏過九垓憑虛兀竚思徘徊土人爲我
發巨礮白晝萬壑鞭轟雷但見馮夷海若一時動蒼龍挾
浪桃花催我欲尋源發幽步深崖洞壑驚四顧聞道黃河
之水天上來傾瀉萬仞如吼怒魚龍翹首不敢當十里之
外水氣若飛霧此下聞有錯開河至今濁水泣回波身作
黃熊入山去厥考當年傷心多想見手澤莫忍視到門不
入已三過然後平成天關與地軸萬古自茲始值育誠哉
一望河洛思禹功無事荒唐唐乘槎到星宿

辭

箕山操

晉李孝先

箕山之陽兮其木參參箕山之塚兮白雲幽幽彼世之人
兮孰能遺我以憂雖欲從我兮其路無由朝有人兮來飲
其牛

康澤王廟迎神送神辭

元毛麾

神之來兮風雨蕭蕭不破塊兮不鳴條滋多稼兮滿平臯
享血祀兮聞歡謠神之去兮日光沉巖穴暝兮煙雲深廟
門闔兮來棲禽空山水兮遺清音

詩

答杜摯

魏母丘儉

鳳鳥翔京邑哀鳴有所思才為聖主出德音何不怡八子
未際遇今者遭明時胡康出隴畝揚偉無根基飛騰冲雲
天奮迅協光熙駿驥骨法異伯樂觀知之但當養羽翮鴻
舉必有期體無纖微疾安用問良醫聯翩輕栖集還為燕
雀嗤韓衆藥雖良恐便不能治悠悠千里情薄言答嘉詩
信心感諸中中賞不在辭

遊仙詩

相傳作於藐姑射之山

晉郭璞

璞

京華遊俠窟山林隱遯棲朱門何足榮未若託蓬萊臨淵
挹清波陵岡掇丹萸靈谿可潛盤安事登雲梯漆園有傲
吏萊氏有逸妻進則保龍見退則觸藩羝高蹈風塵外長
揖謝夷齊

又

平陽府志 卷之三十六
青谿千餘仞中有一道士雲生梁棟間風出窻戶裏借問
此爲誰云是鬼谷子翹迹企穎陽臨河思洗耳聞闔西南
來潛波渙鱗起靈妃顧我笑粲然啟玉齒蹇修時不存要
之將誰使

又

翡翠戲蘭苕容色更相鮮綠蘿結高林蒙籠蓋一山中有
冥寂士靜嘯撫清絃放情凌霄外嚼藥挹飛泉赤松臨上
遊駕鴻乘紫烟左挹浮丘袖右拍洪崖肩借問蜉蝣輩寧
知龜鶴年

又

六龍安可頊運流有代謝時變感人思已秋復願夏淮海
變微禽吾生獨不化雖欲騰丹谿雲螭非我駕愧無魯陽
德廻日向三舍臨川哀年邁撫心獨悲此

又

逸翮思拂霄迅足羨遠遊清源無增瀾安得運吞舟珪璋
雖特達明月難闇投潛穎怨青陽陵苕哀素秋悲來惻丹
心零淚綠纓流

又

雜縣寓魯門風煖將爲災吞舟湧海底高浪駕蓬萊神仙
排雲出但見金銀臺陵陽挹丹溜容成揮玉杯姮娥揚妙
音洪崖領其頤升降隨長煙飄飄戲九垓奇齡邁五龍千
歲方嬰孩燕昭無靈氣漢武非仙才

又

晦朔如循環月盈已復魄蓐收清西陸朱羲將由白寒路
拂陵苕女蘿辭松栢薜榮不終朝蜉蝣豈見夕圓丘有奇
草鐘山出靈液王孫列八珍安期鍊五石長揖當途人去
來山林客

就蒲坂使君乞酒

晉梁庾信

蓼瑟風聲慘蒼茫雪貌愁鳥寒樓不定池凝聚未流蒲城
桑落熟灞岸菊花秋願持河北飲分歡東陵侯

晚年叙志示翟處士正師

唐王績

弱齡慕奇調無事不兼修望氣登重閣占星上小樓明經
思待詔學劍覓封侯棄繻頻北上懷刺幾西遊中年逢喪
亂非復昔追求失路青門隱藏身白社游風雲思所愛屠
酤暗為儔解紛曾霸越釋難頗存周晚歲聊長想生涯大
若浮歸來南畝上更坐北溪頭古岸多磐石春泉足細流
東隅誠已謝西景懼難收無謂退耕近伏念已經秋真桑
逢處詭陶潛見人羞三晨寧舉火五月鎮披裘自有居常
樂誰知身世憂

黃頰山

王績

別有清溪道斜徑碧岩隈崩藁橫古蔓荒石擁寒苔點心
常寂寞山徑本幽迴步步攀藤上朝朝負藥來幾看松葉
秀頰值菊花開無人堪作伴歲晚獨悠哉

和李大夫嗣直奉使存恤河東

唐杜審言

六位乾坤動三微曆數遷謳歌移火德圖讖在金天子月
開階統房星受命年禎符龍馬出寶籙鳳凰傳地即交風
雨都仍卜澗瀍明堂惟御極清廟乃尊先不宰神功運無
私大象懸八荒平物土四海接人煙已屬群生泰猶言至
道偏璽書傍問俗旌節近推賢秩比司空位官臨御史員
雄詞執刀筆直諫下樓船國有大臣器朝加小會筵將行
備禮樂送別仰神仙城闕周京轉關河陝服連稍觀汾水
曲俄指絳臺前姑射聊長望平陽遂宛然舜耕餘草木禹
鑿舊山川昔出諸侯靜無何霸業全中軍掃戰敵外府絕
兵權隱隱帝鄉近瞻瞻肅命虔西河偃風俗東壁掛星躔
井邑粉榆社陵園松柏田榮光朝掩代佳氣曉侵燕雨霈
鴻私滌風行睿旨宣惇嫠訪疾苦屠釣採貞堅人樂逢刑
措時康洽賞延賜踰秦氏給恩倍漢家錢擁傳咸翹首稱
觴競比肩拜迎彌道路舞詠溢郊圍殺氣西衝白窮陰北
上互飛霜遙渡海殘月迥臨邊緬邈朝廷問周流朔塞旋
興來探馬策俊發抱龍泉學總八千卷文傾三百篇澄清

得使者作頌有人焉未以崇班闕而云勝託捐偉才何磊
落陋質幾翩翹江海寧爲讓巴渝輒自率一聞歌聖道助
曲荷陶甄

龍門山

唐沈佺期

龍門非禹鑿詭怪乃天功西南出八峽不與衆山同長寶
亘五里宛轉復嵌空伏濡响潛石瀑水生輪風流水無晝
夜噴薄龍門中潭河勢不測藻葩乘彩虹我行當季月煙
景共春融江關勤亦甚巘嶸意難窮誓將息機事煉藥此
山東

謁禹廟

唐宋之間

夏王乘四載茲地發金符駿命終不易報功疇敢渝先驅
惚會昌後至伏靈誅玉帛空天下衣冠照海隅旋聞厭黃
屋更道出蒼梧林表祠轉茂山阿井詎枯舟遷龍負壑田
變鳥芸蕪舊物森如在天威肅未殊氣清連曙海雲白洗

春湖猿嘯有時苔禽言長自呼靈歆異蒸精至樂匪笙竽
茅殿今文襲梅梁古製無運遙自崇麗業盛苔昭蘓伊昔
力云盡而今功尚敷揆才非美箭精享愧生芻郡職昧爲
理邦空寧自誣下車霰已積攝事露行濡人隱冀多祐曷
惟霑薄軀

奉和聖製早發蒲津

唐張說

蒲坂橫臨晉華芝曉望秦關城雄地險橋路托天津樓映
行宮日隄含苑樹春黃雲隨寶鼎紫氣逐真人東詠唐虞
迹西觀周漢塵山河非國寶明主愛忠臣

和經河上公祠應制

張說

河上無名老知非漢代人先探道德要留待聖明辰玄妙
爲天下清虛用谷神化將和氣一風與太初鄰靈廟觀遺
象仙歌入至真皇心齊萬物何處不同塵

登平陸城樓

唐王維

井邑傳岩上客亭雲霧間高城眺落日極浦映蒼山岸火孤舟宿漁家夕鳥還寂寥天地暮心與廣川閒

駕幸河東

唐張九齡

魏武中流處軒皇問道回長堤春樹發高掌曙雲開龍負王舟渡人占仙氣來河津會日月天仗役風雷東顧重關盡西馳萬國陪遙聞股肱郡元首詠康哉

過宋員外之問舊庄

唐杜甫

宋公舊池館零落首陽阿枉道祇從入吟詩許更過淹留問父老寂寞向山河更識將軍樹悲風日暮多

謁夷齊廟

唐李頎

古人已不見喬木竟誰過寂寞首陽山白雲空復多蒼苔歸地骨皓首採薇歌畢命無怨色成仁其若何我來入遺

廟時侯微清和落日吊山鬼回風吹女蘿石門正西豁引領望黃河千里一飛鳥孤光東逝波驅車層城路惆悵此巖阿

謁張元素先生

李頎

先生谷神者甲子焉能計自說軒轅時於今幾千歲寓遊城郭裡浪跡希夷際應物雲無心逢時舟不繫霞食斷火粒野服兼荷製白雲淨肌膚青松養身世韜精殊豹隱鍊質同蟬蛻忽去不知誰偶來寧有契二儀齊壽考六合隨休憇彭聃猶嬰孩松期且微細常聞穆天子更憶漢皇帝親出萬乘尊將窮四海裔車徒徧草木錦帛招談說八駿空往還三山轉虧蔽吾君感至德元老欣來詣受錄金殿開清齋玉堂閉笙歌迎拜首羽帳崇嚴衛禁柳垂香爐宮花拂仙袂祈年寶祚廣致福蒼生惠何必待龍髯鼎成方取濟

虢州後亭送李判官使赴晉絳

唐岑參

西原驛路挂城頭客散江亭雨未休君去試看汾水上白雲猶似漢時秋

送初樂歸河東

岑參

初樂後來秀挺身出河東往年詣驪水獻賦甘泉宮天子不召見揮鞭遂從戎前月還長安囊中金已空有時忽乘興盡出河上峰床頭蒼梧雲簾下天台松忽如高堂上颯颯生清風五月火雲屯氣燒天地紅鳥且不敢飛子行如轉蓬少華與首陽隔河勢爭雄新月河上出清光滿關中置酒灞亭別高歌披心胸君到故山時為吾謝老翁

駕幸河東

唐王昌齡

晉水千廬合汾橋萬國從開唐天業盛入沛聖恩濃下輦回三象題碑住六龍睿明懸日月千載此時逢

鸛雀樓

唐王之渙

白日依山盡黃河入海流欲窮千里目更上一層樓

鸛雀樓

唐暢當

迥臨飛鳥上高出世塵間天勢圍平楚河流入斷山

鸛雀樓

唐李益

鸛雀樓西百尺墻汀洲雲樹共茫茫漢家簫鼓空流水魏國山河半夕陽事去千年猶恨速愁來一日即為長風烟並起思鄉望遠目非春亦自傷

登鸛雀樓

唐耿湜

久客心常醉高樓日漸低黃河經海內華嶽鎮關西去遠千帆小來遲獨鳥迷終年不得意空覺負東溪

送河南皇甫少尹赴絳州

唐劉禹錫

祖帳臨周道前旌指晉城午橋群吏散亥字老人迎詩酒安閒樂別離方見情從茲洛陽社吟咏欠書生

中書卽事

唐裴度

有意效承平無功益聖明灰心緣忍事霜髮為論兵道直
身還在思深命轉輕鹽梅非擬議葵藿是平生白日常懸
照蒼蠅謾發聲嵩陽舊田地終使謝歸耕

寄河中楊少尹

裴度

誰道重遷是舊班自將霄漢此鄉關二妃樓下宜臨水五
老洞西好看山再葺吾廬心已足每來公府路常閑詩陪
亞相逾三紀石笥煙霞不共攀

送絳州盧使君

唐楊巨源

應將清淨結心期又共陽和到郡時絳老問年須筭字庾
公逢月要題詩朱欄迢遞因高勝粉蝶清明欲下遲他日
徵還作霖雨不須求賽敬亭祠

為河中少尹酬盧員外

楊巨源

謝傳旌旗控上游盧郎躡俎借前籌舜城風土臨清廟魏
國山川在白樓雲寺當時接高步水亭今日又同遊滿筵
舊府笙歌在獨有羊曇最淚流

田家二首

唐柳宗元

蓐食狗所務驅牛向東阡鷄鳴村向白夜色歸暮田謾謾
耒耜聲飛飛來鳥鳶竭茲筋力事特用窮歲年盡輸助徭
役聊就空自眠子孫日以長世世還復然

又

古道饒蒺藜榮迴古城曲蓼花被堤岸陂水寒更綠是時
收穫竟落日多樵牧風高榆柳踈霜重梨棗熟行人迷去
住野鳥竟棲宿田翁笑相念昏黑慎原陸今年幸少豐無
厭饘與粥

送裴相公鎮太原

唐王建

還携堂印向并州將相兼全是武侯時難獨當天事功
成却進手中籌再三陳乞鑪烟裏前後分張玉案頭朱架
早朝排立戟綠槐殘雨看張油遙知鴈塞從今好直到漁
陽以北愁邊舖恐巡旂盡換山城欲過館重修千群白刃
兵迎節十對紅粧妓打毬聖主分明教暫去不須高起見
京樓

舜城懷古

唐項斯

禪禹繼堯聰巍巍盛此中四隅咸啟聖萬古賴成功道德
去彌遠山河勢不窮停車一再拜帝業即今同

蒲津河亭

唐温庭筠

倚欄愁立獨徘徊欲賦慚非宋玉才滿座山光搖劍戟繞
城波色動樓臺鳥飛天外斜陽盡人過橋心倒影來添得
五湖多少恨柳花飄蕩似寒梅

蒲津河亭

唐胡宿

津亭欲闕戒棠舟五兩風來不少留西北浮雲連魏闕東
南初日照秦樓層城渺渺人傷別芳草萋萋客倦遊平樂
舊歡收不得更憑飛夢到瀛洲

駕幸河東

唐杜牧

捷書皆應睿謀期十萬魯無一鏃遺漢武慙夸朔方地周
宣休道太原師威加塞北寒來早恩入河源凍去遲聽取
滿城歌舞曲涼州聲韻遠參差

晚登龍門驛樓

唐許渾

魚龍多處鑿門開萬古人知夏禹材青嶂遠分從地斷洪
流高瀉自天來風雲有路皆燒尾波浪無程盡曝腮心感
膺門身過此晚山秋樹獨徘徊

題靈顯觀

唐呂 崑

素衣丘壑寄生涯相近衡茅共幾家
卧聽松音臨水石坐看山色老烟霞
林中有鶴窺來客巖畔無人見落花
但把琴書消息過不須爐裏煉丹砂

王官谷退棲

唐司空圖

宦遊蕭索為無能移住中條最上層
得劍乍如添健僕亡書久似失良朋
燕昭不是空憐馬支遁何妨亦愛鷹
自致此身繩檢外肯教世路日兢兢

丁未歲歸王官谷

司空圖

家山牢落戰塵西疋馬偷歸路已迷
塚上卷旗人簇立花邊移寨鳥驚啼
本來薄俗輕文字却致中原動鼓鼙
時取一壺閒日月長歌深入武陵溪

歸王官谷次年作

司空圖

亂後燒殘滿架書峯前猶自戀吾廬
忘機漸喜逢人少覽鏡空憐待鶴疎
孤嶼池痕春漲滿小欄花韻午晴初
酣歌自適逃名久不必門多長者車

王官 二首

司空圖

風荷似醉和花舞沙鳥無情伴客閒
總是此中皆有恨更堪微雨半遮山
荷塘煙罩小齋虛景物皆宜入畫圖
盡日無人只高卧一雙白鳥隔紗幪

休休亭

司空圖

且喜安能保那堪病更憂可憐藜杖者
真箇種瓜侯

柏梯寺懷舊僧

司空圖

平陽府志 卷之三十六
雲根禪客居皆說舊吾廬松日明金像苔龕響本魚依樓
應不阻名利本來疎縱有人相問林間懶拆書
高鴉隔谷見路轉寺西門塔影蔭泉脉山苗侵曉痕鐘疎
含杳靄閣迥亘黃昏更待他僧到長如前信存

重陽山居

司空圖

詩人自古恨難窮暮節登臨且喜同四望交親兵亂後一
川風物笛聲中菊殘深處迴幽蝶陂動晴光下早鴻明日
更期來此醉不堪寂寞對衰翁

修史亭 五首

司空圖

山前鄰叟去紛紛獨強衰羸愛杜門漸覺一家看冷落地
爐生火自溫存
其心七十且醜歌自筭平生幸已多不似香山白居易晚
將心地著禪魔
烏紗巾上是青天檢束酬知四十年誰料平生臂鷹手挑
燈自送佛前錢

少年已慣擲年光時節催驅獨不忙今日無疑亦無病前
程無事擾醫王
籬落輕寒整頓新雪晴步履會諸鄰自從南至歌風頂始
見人煙外有人

僧舍貽友人

司空圖

笑破人間事吾徒莫自欺解吟僧亦俗愛舞鶴終卑竹上
題幽夢溪邊約敵棋舊山歸有阻不是故遲遲

蒲津河亭

唐唐彥謙

宿雨清秋霽景澄廣亭高樹更晨興烟橫博望乘槎水日
上文王避雨陵孤棹夷猶期獨往曲欄愁絕每長憑思鄉
懷古多傷別此際哀吟幾不勝

鸛雀樓

唐張喬

高樓懷古動悲歌鸛雀今無野燕過樹隔五陵春色早水
連三晉夕陽多漁人遺火成寒燒牧笛吹風起夜波千載

重來值搖落天涯歸計定如何

鶴雀樓

唐殷堯藩

危樓高架次寥天上相閒登立綠旃樹色到京三百里河
流歸漢幾千年晴峯聳目當周道秋穀垂花滿舜田雲路
何人見高志最看西面赤欄前

開垣曲山路成

唐李建中

為郡同卧理民情識我情三秋得公事一月遶山行底柱
全拋險黃河已接平周遭到垣曲尊大近神京借助林鹽
潤增饒國計成虞州訪遺跡吳坂念長鳴董澤蒲侵綠巫
咸水傍清人懷絳縣老地嘆夏臺傾下馬聽泉發登原待
月生盤桓讀碑版扶持立刀兵晚雷聞鐘斷微陽喜雨晴
峭空崖背落斗截嶺西橫仙恐臨王屋高疑見析城去車
知軌轍連畝有農耕彩錯翻朝旆鏗鏗繫夜鉦鑿開青石
壁填貯白雲坑舊幕憐才俊嘉言許道亭何當議險阻始

信說分明不倦共廉使常存濟物誠計詩聊就筆千古愧
題名

河南鄭少尹南亭送鄭判官

還河東

唐皇甫冉

使臣懷餞席亞尹有前溪客是仙舟裏塗從御苑西泉聲
喧暗竹草色引長堤故絳青山在新田綠樹齊天秋聞別
鶴關曉候鳴鷄應嘆沉寘者年年津路迷

奉和聖製答張說南出鼠雀谷

唐張嘉貞

天賜我宗盟元戎付夏卿多材兼將相必勇獨橫行經緯
稱人傑文章作代英山川看是陣草木想為兵不待河水
合猶防塞月明有謀當擊醜無戰且綏氓閩外專三畧雲
中冀一平感恩同義激悵別屢魂驚直視前旌掣遙聞後
騎鳴還期方定日復此出郊迎

留題汾上舊居

唐薛能

平陽府志 卷之三十六 藝文貞 詩

本陽府志 卷之三十六
鄉園一別五年歸迴首人間總禍機尚勝隣翁常寂寞敢
嫌裘馬未輕肥塵顏不見應消落庭樹曾栽已合圍難說
累牽還却去可憐榆柳尚依依

登霍山驛樓

李商隱

廟列前峰迥樓開四望窮嶺巖嵐色外陂雁夕陽中弱柳
千條露衰荷一向風壺關有任孽速繼老生功

奉同諸公題河中任中丞新創河亭

李商隱

萬里誰能訪十洲新亭雲構壓中流河蛟縱翫難爲室海
蜃遙驚恥化樓左右名山窮遠目東西大道鏤輕舟獨留
巧思傳千古長與蒲津作勝游

寒食行次冷泉驛

唐李商隱

歸途仍近節旅宿倍思家獨夜三更月空庭一樹花介山
當驛秀汾水遶關斜自怯春寒苦那堪禁火賒

戲題贈稷山驛吏王全

李商隱

絳臺驛吏老風塵耽酒成仙幾十春過客不勞詢甲子唯
書亥字與時人

奉和聖製登蒲州逍遙樓

唐蘓頌

在昔堯舜禹遺塵成典謨聖皇東巡狩况乃經此都樓觀
紛迤邐山河幾縈紆緬懷祖宗業相繼文武圖尚德旣無
險觀風諒有孚豈知汾水上簫鼓事遊娛

送侯叅謀赴河中幕

唐韓愈

憶昔初及第各以少年稱君願始生鬢我齒清如水爾時
心氣壯百事謂已能一別詎幾何忽如隔晨興我齒豁可
鄙君顏老可憎相逢風塵中相視迭嗟矜幸同學舍官未
路再得朋東司絕教授遊宴以爲恒秋漁蔭密樹夜博燃

明燈雪逕抵樵叟風廊折談僧陸渾桃花間有湯沸如蒸
三月崧少步躑躅紅千層洲沙壓晚坐巖壁窮晨昇沈冥
不計日爲樂不可勝遷滿一已異乖離坐難憑行行事結
束人馬何躑騰感激生膽勇從軍豈常曾沈沈司徒公天
子股與肱提師十萬餘四海欽風稜河北兵未進蔡州師
新薨曷不請掃除活彼黎與烝鄙夫誠怯弱受恩愧徒弘
猶思脫儒冠棄死取先登又欲面言事上書求詔徵侵官
固非是妄作譴可懲惟當待責免耕斲歸溝塍今君得所
附勢若脫鞵鷹檄筆無與讓幕謀職其膺收績開史牒翰
飛逐溟鵬男兒貴立事流景不可乘歲老陰冷作雲頽雪
翻崩別袖拂洛水征車轉嶠陵勤勤酒不進勉勉恨已仍
送君出門歸愁腸若牽繩默坐念語笑癡如遇寒蠅策馬
誰可適晤言誰爲應席塵惜不掃殘罇對空疑信知後會
時日月屢環紉生期理行役歡緒絕難承寄書惟在頻無
恡簡與繒

奉和李觀察登河中白樓

唐耿 漳

城上高樓飛鳥齊從公一遂躡丹梯黃河曲盡流天外白
日輪傾落海西宮樹九重常在夢雲衢一望杳如迷何心
更和陽春奏况復秋風聞戰聲

鸛雀樓晴望

唐馬 戴

堯女樓西望人懷太古時海波通禹鑿山木閉虞祠鳥道
殘虹掛龍潭返照移行雲如可馭萬里赴心期

登河中鸛雀樓

唐司馬 札

樓中見千里樓影入通津煙樹遙分陝西河曲向秦興亡
留白日今古共紅塵鸛雀飛何處城隅草自春

遊樓巖寺

唐李 益

晚上曇延洞通霄興莫窮高明千嶂月清爽一巖風坐久
衣衫潤吟餘物象空舉頭星可摘疑在廣寒宮

蒲關西道中作

唐李 甫

國東王氣凝蒲關樓臺帖出晴空間紫煙橫捧大舜廟黃
河直打中條山地鎖咽喉千古壯風傳歌吹萬家閑來來
去去身依舊未及潘年鬢已斑

和邵不疑校理蒲州十詩

宋司馬光

飲亭

飛蓋名僚集臨流芳宴開縈紆漱文石次第傳清盃迴波
亦多意并泛落花來

涌泉石

蒼然片石寒百道飛泉吐高堂忽蕭颯坐失炎蒸苦蛟龍
卧欲飛仰嘖秋空雨

翠樓

條山翠氣橫隱嶙秋空窄危樓雨初度卷幌延佳色撲撲
滿前軒嵐光真可摘

碧樓

煙瓦疊琉璃危樓半空倚歌鐘奉高宴聲來碧雲裏日暮
天四垂黯淡如秋水

靜齋

二聊窺碧甃缺寒草生歷歷時聞山鳥呼未得全幽寂

槐軒

逸二軒已幽况復植宮槐簷外陰沉綠南山雨氣來迢迢
不知久驚此黃花開

涼

逸一字

二清風滿四境豈獨華棖下不若楚臺人披襟獨蕭灑

芙蕖軒

荷花爛熳紅不見方塘水
蕉堯結飛閣苒惹清香裏
露重忽歎側翩然奉禽起

惜花亭

春意復蹉跎園林日愁寂
枝邊綠陰重砌下紅英積
茲亭花最繁飄零尤可惜

竹軒

茂密正當軒歆垂欲侵案
風枝忽交戛月影爭凌亂
誠嘉君子心匪直林亭玩

柏梯寺

司馬光

鑿石開蹊峻登崖置閣危
笑談空谷應步武白雲隨
衆壑如翻浪鄰州若布棊
何當遂棲隱身世兩相遺

重經車輞谷

司馬光

昔年道經車輞谷直上七里盤
南坡今年行役復到此方
春汗流如翻波中途太息坐磐石
涕泗不覺雙滂沱我生

微尚在丘壑強若麋鹿嬰
虞羅人踰三十只有老後時
過此知如何雲泉佳處須速去
登山筋力休蹉跎

過北平王祠

司馬光

唐相靈祠古到今庭前槐柏綠
成陰昔時圖像雖通妙難
狀籌謀爲國心

送雷秘丞知芮城

司馬光

西伯昔斷訟令名存迄今南臨
大河曲北倚首陽岑俗被
聖賢化民多禮讓心羨君老
經術終日想鳴琴

中條山

宋王禹偁

崛起巨流邊奔騰欲上天
遠臨蒼海盡高與太行連
大塊橫爲脊他山立似拳
土膏經舜耒石險任秦鞭
洞黑狂吹兩峯青冷罩烟
店荒壇社絕寺古柏梯懸
崦漏微芒雪崑垂漸瀝泉
迸根通砥柱斜徑入閒田
北笑恒藏寶西輕華聳蓮
三門遙托迹五老迥差肩
落實樵夫拾靈根本草傳
柱空擎鴈塔倒影蓋漁船
繪畫終無手封崇必有年
鹽池

浮翠靄蓮澤媚漪漣陰壑乖龍蟄枯杉凍虺穿圖經標數
郡神異產群賢呼壽嵩何詔升中岱豈專斯文如已矣此
地可終焉暫看猶銷病頻登合得仙許昌休自負吾什亦
銘鑄

題鹽池

宋王禹偁

極望似江沱漫漫起素波兩池泉不竭千古利還多場吏
輸年額畦夫奉月課收時車并載種處地先磨碎顆珠凌
亂乾聲玉切磋岸平開雪苑渠渠滲坼銀河衆鵠齊翔舞群
羊自寢訛本源皆瀉鹵異號亦鹹澁訝浮鷗鷺津疑浸
蚌螺煮勞輕渤海煎苦笑并河兩打重歸水菴成更覆簑
薰風吹作片烈日結成梁海味知難及蕃青的不過惠人
食罔闕均口賦並頗涿鹿城雖近蚩尤血若何有時紅爛
漫是處白嵯峨潤下終資國靈長任酌蠡江梅須待我金
鼎始能和

五老峯

宋王禹偁

轟轟拂星榆崢嶸與衆殊精靈犇昂宿神異載河圖捧日
光先及參天禮不趨綠蘿供組綬清籟獻笙竽淺雨遙霑
華微風下照蒲僧窻分未定郡閣占應俱莫莫雲交袂霏
霏雪映鬚巨靈羞未壯玉女願爲奴磊落工難畫參差德
不孤兒孫溪石小几杖澗水枯洞鄙三茅隱山嫌四皓逋
分形皆自立倒影要誰扶將數慙同漢臣名合贊虞嵩峯
真樹黨天柱大無徒安得隨人意移將近帝都吾君處南
面萬歲一齊呼

嵩巫亭

宋富弼

平地烟霄此半分繡楣丹檻照清汾風簾暮抱秋空碧剩
見西山數嶺雲

絳守居園池

宋范仲淹

絳臺使君府亭閣叅園圃一泉西北來群峯高下覩池魚
或躍金水簾長布雨怪柏鎖蛟龍醜石闢羆虎群花相倚
笑垂楊自由舞靜境合通仙清陰不知暑我與風月期可
無詩酒助登臨問民俗依舊陶唐古

謁帝堯廟

范仲淹

千古如天日巍巍與善功禹終平泮水舜亦致薰風江海
生靈外乾坤揖讓中鄉人不知此簫鼓謝年豐

登富公嵩巫亭

宋歐陽修

群峯擁軒楹竹樹陰漠漠公胡苦思山規構自心作惟予
愛山者初任卽京洛嵩峯三十六終日到高閣陰晴無朝
暮紫氣常浮泊雄然九州中氣象壓寥廓亦常步其巔培
塿觀四岳其後竄荆蠻始識峽山惡長江瀉天來巨石忽
開拓始疑茫昧初渾沌死鑄鑿神功夜催就萬仞成一削
尤奇十二峯隱見入冥冥人蹤斷攀緣異物冥所托顧瞻
阻徘徊想像逢綽約嵩山近可愛泉石吾已諾終朝友幽
人白首老雲壑

黃河

歐陽修

河水激箭險誰言航葦遊堅冰馳馬渡伏浪捲沙流樹落
新摧岸湍驚忽改洲鑿龍時退鯉漲潦不分牛萬里通槎

漢千帆下曹州怨歌今罷築故道失難求灘急風逾響川
寒霧不收詎能窮禹跡空欲問張侯

絳守居園池

歐陽修

嘗聞紹述絳守居偶來登覽四周隅異哉樊子怪可吁心
欲獨出無古初窮荒搜幽入有無一語詰曲百盤紆孰云
已出不剝襲句斷欲學盤庚書荒烟古木蔚遺墟我來嗟
祇得其餘柏槐端莊偉丈夫蒼顏鬱鬱老不枯觀容新麗
一何姝清池翠蓋擁紅蕖胡鬚虎搏豈足道記錄細碎何
區區羲氏八卦畫河圖禹湯臯虺暨唐虞豈不古與萬世
模嫉世狡巧習卑污以奇矯薄駭群愚用此猶得追韓徒
我思其人為躊躇作詩聊詭為坐娛

送公期得假歸絳

歐陽修

風吹積雪銷太行水暖河橋楊柳芳少年初仕卽京國故
里幾歸成鬢霜山行馬瘦春泥滑野飯天寒餽粥香流連
芳物佳節過束帶還來朝未央

送襄陵令李君

歐陽修

綠鬢襄陵新長官面顏雖老渥如丹折腰聊爲五斗屈把
酒猶能一笑歡紅棗林繁欣歲熟紫檀香軟禦春寒民淳
政簡居多樂無苦思歸欲掛冠

題平陸縣

宋魏野

寒食花藏縣重陽菊遶灣一聲離岸櫓數點別洲山

弔司馬遷

宋秦觀

子長少不羈發軔徧丘壑晚遭李陵禍憤悱思遠托高辭
振幽光直筆誅隱惡馳騁數千載貫穿百家作至今青簡
上文彩炳金釀高才忽小疵難用常情度譬彼海運鵬豈
復顧繒繳區區班叔皮未易議疎畧

遊萬固白石寺

宋程顥

條山蒼蒼河水黃中蒲形勝天下強帝得賢侯殿一方四
年不更慰民望元逢戊午季春月上心憫雨愁黎蒼使車
四出走群望我亦奉命來侯疆精誠感格天意順詔書纔
下雨已霧病麥還青禾出土野農鼓舞歌君王故人相見
不道舊爲雨歡喜殊未央聖主寬憂小臣樂自可放蕩舒
胸腸白石萬固皆勝地主人爲我携壺觴况逢佳日俗所
尚車馬未曉填康莊扶携十里雜老幼迤邐千騎明戈鎗
初聽鳴鐃入霧靄漸見朱旆輝朝陽遨頭自是謝康樂後
乘獨慙元漫卽侯來知雖有賓客衆喜更爲將豐穰臨溪
坐石徧巖谷幽處徃徃聞絲簧山光似迎好客動日影定
爲遊人長乘高望遠興不盡戀戀不知岐路忙人生汨沒
苦百態得此樂事真難常我辭佳境已惆悵侯亦那得久
此鄉他時會合重相語辜負泉石何能忘

絳守居園池

宋梅堯臣

老柏麝不食古色浸青冥沼淺龍不入秋水生浮萍屋廬
巧聖幾太守壁上彪蔚遺丹青黑石鐫辭澁如棘今昔徃

來人不識酸睛欲扶無聲形既不可問不可聽懸泉瀉竇
畫未停飛玉貯藍光入屏苞潭梁島甲癸丁蔓刺交綴垂
組纒蒼官鼻槐崩在庭風虫日鳥聲嚶嚶丹葩木果粘枝
藤集臺脫熱昏病醒樊文韓詩怪若是徑取一二傳優伶
仍寄河東薛太守更與斟酌無閒局

魏侯故城

宋袁藏雲

獨向條陽翠靄行杖藜徐步愴吟情長河漫有懷山跡故
國空傳讓畔名遠樹半遮干木廟斷雲猶鎖魏侯城可憐
列土繁華地祇是寥寥作釣耕

龍子祠農人享神

宋王士元

晉州之西山曰姑有泉源源流不涸疏爲八道溝與渠坐
令瘠土成膏腴多黍多稌多麻蔬沄沄萬畝碁局如田家
終歲惟勤劬雖有乾旱無憂虞割牲醴酒父老趨坎坎擊
鼓吹笙竽報荅龍神醉飽餘宛若澤國江鄉居晉州之東
民豈迂耕種亦自爲農夫年年汲井井欲枯赤日炙背田
不濡父子筋力疲輓轡肩頰汗浹良區區老我見此空嗟
呼誰把勞逸分兩途凶年且爲寬賦租

過司空侍郎故居

宋江休復

首陽采薇士商代緬以遐唐季有夫子遯世肥且嘉拔跡
離汗險抗志凌青霞剥運扇頽風奸雄斥回邪不然隨流
波橫噬猘偷牙吁哉土德衰睽乖鬼盈車英英夫子賢顯
晦吾所嗟想見棲隱情遺文舉菁華山藏白駒谷水逸騷
人家躊躇碧峯前寒日忽已斜

題霍岳

宋張商英

鷲翅垂三晉鰲趺踞一方丹書志智伯白髮誦秦王展足
成姑射回巒揖太行水涵千頃富源發四渠長鳥不棲林
木雲常入帝鄉柏根蟠老石瓜蔓散平岡叱咤生雷電鞭
笞役虎狼欲知雄氣象衛霍出平陽

過介之推廟

張商英

十九年從晉重耳艱棘憂危同踐履田中丐食桑下謀繭足周旋垂萬里一心奉事不自欺逆知天意開公子及河忽聞舅犯言如以朝衣蹈泥滓鄙夫豈可與同行携母入山耳隱藏公子歸來霸業強築壇踐土尊天王大夫卿士環珮鏘斬袪寺人紛頡頏念子昔者皆奔亡舍我長逝情但傷大菟縱火焚山岡烈焰不肯回剛腸嗟乎義士不可量何人謬作龍蛇章

芮令涼軒詩

宋杜叔獻

縣僻少逢迎閒軒得初營先秋嵐氣肅涉夏竹風清待月詩中趣分泉枕畔聲憑君植春柳高節繼淵明

堯廟

宋劉克莊

帝與天同大天存帝亦存桑麻通絕徼簫鼓出深林水至孤亭合山居列岫尊尚餘土堦意樵牧踐籬藩

玉兔寺

宋賈朝昌

何事回真諦標名作淨坊金園存廢址玉兔効殊祥躍漢勞且網環山瑩雪霜來疑崑岫出去訝月輪藏隱顯經千載薰修蔭一方寶壇藜道祖華勝耀空王與域居全晉靈祠接慶唐煙霞生四面樓殿起中央映日陰松合飄空磬韻長伊余聞勝槩寧惜寄篇章

帝堯廟

宋孫景文

帝廟乘山勢巍巍古柏中治雖為日遠仁尚與天同堂陞巖遺像川原隱舊風時時有靈異此語出田翁

霍泉觀瀾亭

宋王說

山亭千里見纖微暫出紅塵已息機次第一行寒鴈去淺深千片亂霞飛青山不斷何年有流水無窮底處歸自古興亡安足問世間人事轉頭非

王官谷十詠 并序

宋俞 充

王官谷山水之勝甲於關右由司空表聖所常居名尤著於天下好事者道出虞坂必枉轡以遊之酒滌塵慮想慕清風隨其人所得皆有以為樂題名滿山巖屋壁獨詩篇未甚聞于世豈騷雅之客多牽于車馬之勞不暇作耶抑有之不能傳耶不然何遺之耶予為令于此三年暇日登覽王官之景盡得之矣因成十詠自顧其詞之鄙俚不足以暴人之視聽蓋將以揚山川之清輝發古人之潛德云

竹筵

入谷修竹密蒼翠連前山車馬迹不到鷄犬音亦閒蔽日清影合迎風碎聲寒漸近居士廬溪水流潺潺

貽溪

濯纓溪流上清心共澄澈人存魚自躍人亡魚亦竭此意雖真真可與仁者說遺音竟誰繼十里閒風月

休休亭

洗耳謝市朝構亭得餘址三徑草長深一毫塵不起支肘

看青山引鶴聽流水獨有愛君心時時擬綸旨

表聖影堂

事去惟山存遺祠臨水曲峻節凌雪霜英顏瑩水玉至今崖壁間尚耐塵埃辱清風滿林泉千載仰高躅

天柱峯

擎天有八柱是峰居其一根蟠地軸壯群山俯為礮共工觸不折萬古聳峯嶽幽人步絕頂引手攀星日

瀑布

野老傳此水源與洪河透潺潺浩難窮雨雹灑晴晝巖頭白龍挂灘前寒玉漱不見瑩心人客衣冷如漚

雙人石

屹立高峯東峭直如昔賢夷齊耻周食巢由傲堯天不畏風霜侵所依松柏堅五老靜相對森森莫知年

司空氏舊居

孤鶴去不還雲間犬空吠猶聞溪鳥銜尚有里人愛巖花無開落世事幾興廢我乘幽興來靜邀秋月對

石硯

常讀表聖詩云是秦王成憫時著密史對此潛經營新雨

爭如洗亂苔生復平應誤山中客浪近翰墨名

機磴

誰鑿渾沌死智者爭出力悠悠蟻在磨雙輪轉何極機心
運機械隨流還不息莫笑抱甕翁終日亦飽食

貽溪懷古十篇

宋俞克

唐衰全忠僭竊士之有忠義之心者皆深嫉之而能洒
然脫去不污其身得全其節者表聖一人而已予令於
虞表聖之居適在境內造其祠拜其像想慕其平生為
之賦王官谷十詠以發揚其潛德柰何士之知表聖者
以休休莫莫而止耳予近得表聖一鳴全集觀之至於
一歌一詠一亭一榭意皆有謂非若世之隱者自棄於
山林之中無心于及物也信乎全出處之大節踵夷齊
之高風矣復成貽溪懷古十篇以表聖之德固不待夫
歌詠而後見于世人之知與不知豈足恤哉然予區區
反覆之若是者蓋示其仰慕之切也詠其名而揚其實
庶幾有激于貪懦將歸寫于休休亭以遺谷中之民使
春秋社會樵童牧子相與歌于祠之下以奉先生之祀

雖愚夫愚婦皆知先生之德久而不忘其祀焉

濯纓亭

皎皎居士纓豈有塵可濯愛茲滄浪清偶以斯名託轉谷
群鴿歸衝岸游魚躍簷頭碧梧枝秋來垂影薄

覽照亭

杖藜高山頭歷覽衆景會秦華屹若屏黃河瀉如帶幽懷
逐真鴻萬事寄天籟不見玉景春荒煙起蕭艾

三詔堂

猛虎正橫行孤猿發長嘯名高世人聞三枉鶴書詔借笏
趨朝參天意獨難料咫尺首陽山清光靜相照

瑩心亭

妖氣滿世間瑩心茲得地瀑布巖前飛勢猛鷗鳥避洗滌
無纖塵澄虛全浩氣清風林表來千載有餘意

九籥室

僊術秘丹經昔人藏九籥幽棲白雲根保此一爐藥吟殘
溪雨來夢斷巖花落萬慮正坐忘未能看舞鶴

修史亭

吁哉土德衰群姦恣蝨賊欲加蕭斧誅修史乃其職誰知

深山中法若春秋直俄驚濟陰變絕筆幽崑側
擬綸亭

大厦不可扶誥命已云絕老臣坐深林有淚化為血擬成
絲綸言救世心獨切溪流今尚清夜夜澄孤月

掛鶴臺

汗俗正朋亡歸來卧空谷養鶴不成雙相從守幽獨素羽
信非群孤唳杳無續高臺委荒榛追想人如玉

一鳴窻

天寒松柏青廡閑騏驥老瀟灑竹窻前超然鳴以道惟有
巖上月時來伴幽討茲意不可忘還將日殘藁

東渠臺

二渠日夜流利厚爭所起先生坐東亭立法書在紙老農
到今守後來誰敢毀斯人不可見空聽竹間水

留題王官谷

宋李 釜

司空唐達士寂寞卧雲岑擾擾任群態休休信此心泉聲
半山急柳色舊庭深彷彿登臨處遺蹤一訪尋

遊王官谷

宋母 流

不污唐家亂瀟然表聖居泉聲與山色相得共清虛

休休亭

宋樂 沆

貽溪澄澈玉峯寒居士當年此考槃訪得遺基青華下構
成危棟白雲端人間日月雙輪轉世外襟懷九鼎安醉魄
吟魂如未泯也應謝我數盤桓

王官瀑布

宋雷 臨

區區奔走滂華巔一別王官十四年綠玉峽中噴白玉漑
田澆竹滿平川

霍岳

宋陳 綱

中極巍巍勢望雄層巒疊嶂翠重重為神有感與唐柞作
鎮無疆福晉封材產千州資構厦泉分數邑潤耕農幽巖

舊榻高人隱絕頂遺墳古帝蹤欲雨片雲生峭壁未明先
日照危峯斷崖當午晴雷震深壑經秋積靄濃樵子每逢
遊澗鹿僧禪時見戲潭龍明光祀典傳千載御札牲牢致
享恭

中鎮

金玉綱

鳳翥鸞翔氣象雄蘿山石闕幾重重各齊嵩華興周典勢
壓河汾壯晉封錫號夙聞班五等為霖頻見慰三農巖扉
雲滿禪僧榻野逕苔荒羽客蹤夜靜笙竽鳴老樹月明幢
節響孤峯烟涵遠岫晨光暝雨洗層巒黛色濃小院花香
遊瑞鹿澄潭波冷卧潛龍

碧落寺

金李俊民

浮雲翳炎景長夏愜幽事相陪林下友共適金碧地清流
漱寒玉老樹聳蒼翠何人開山祖妙處發天秘悠悠歲月
深剝落磨崖字遨遊興不淺有酒留客醉幽鳥背人飛不
慣聞鼓吹抵暮出山門溪風送歸騎

